

LESWAO LA NAKO YE



Dilo tšohle di a kgonega, dumela feela;
Dumela feela, dumela feela,
Dilo tšohle di a kgonega, dumela feela.

A re inamišeng dihlogo tša ren a bjale ka nakwana ya thapelo.

² Tate wa ren a wa Mogau wa Magodimong, ka nnete re thabile bošegong bjo, bakeng sa monyetla wa go tla mo New York, go direla batho ba Gago, Leineng la Gago. Re thabile kudu go kopana le bona, re tseba gore go na le Bosasa bjo bogolo moo re tla kopanago, moo re ka se tsogego ra ba le thapelo bakeng sa balwetši, gobane balwetši ba tla fola go ya go ile. Go ka se sa ba mašego a matelele a thapelo bakeng sa balahlegi, gobane bohle ba tla phološwa nako yeo.

³ Gomme re lebeletše go letšatši lela ge Jesu a tla bonagala. Go boneng iri e batamela kgauswi, gomme maswao le matete a šupa go nako yeo, go re dira re eme feela nakwana, Morena, go nagana ka renabeng; bjale re botšiša potšišo yeo bjale, “Mphetleke gomme o nteke, Morena.” Gomme ge go ka ba bobe e ka ba bofe ka go ren a, bo ntšhetše ntle, Tate. Rena, re nyaka go Go direla ka pelo ya go hlweka, diatla tša go hlweka, gobane ga re tsebe ke iri efe O ka go re bitša le go re biletša Godimo. Re tla tla go kopana le Wena.

⁴ Ge go ka ba ba bangwe ka fa bošegong bjo, Morena, ba ba sa Go tsebego bjalo ka Mophološi wa bona, tebalelo ya dibe tša bona, ebole ga se ba tswalwa ka Moya wa Modimo, a nke bjo e be bošego bjo ba tla dirago sephetho seo, gomme Modimo a ba tlatša ka botho bja Gagwe. Fodiša motho yo mongwe le yo mongwe a babjago, Tate, ka fa, ditlaišego tšohle. A nke go se be motho wa go fokola ka moagong, ge tirelo e fedile, goba e sego modiradibe. A nke re bone se se direga go tlhompho le letago la Modimo. Re e kgopela Leineng la Ngwana morategi wa Gagwe, Jesu Kriste. Amene.

⁵ Dulang. Ke monyetla wo mobotse gape go ba mo, bošegong bjo, go direla gape Leineng la Mophološi morategi wa ren a, gomme Yo e lego Yena Molekanelagohle.

⁶ Bjalo ka ge re be re bolela bošegong bja go feta ka Morongwa wa Morena, ka leswao ka Sodoma, gore ge Morongwa yo a be a dutše morago, go bolela le—le Abraham; Monna yo e bego e le Morongwa, eupša e be e le Modimo ka sebopego sa motho, gobane Abraham o Mmiditše, “Morena.” Mmadi yo mongwe le yo mongwe wa Beibele o a tseba gore tlhakakgolo M-o-r-e-n-a o tšwa go “mathomong Modimo o hlotše legodimo le lefase,” le rago Elohim, le ra “Yena Molekanelo Gohle, Yena

Ramaatlakamoka." Gomme Modimo o itirile ka Boyena go tsebja fale go Abraham, ka sebopego sa motho. Feela mosepedi wa lerole, Ba be ba bonala go ba. Yena ga se a ke a bolela mo A tšwago. Eupša elang hloko ge A be a bolela le Abraham, O rile, "Ke tla dira se. Ke go tshepišitše se." Le a bona? Gomme o mmiditše ka leina la gagwe—la gagwe la "tate", Abraham, le le sa tšwago go fetolwa go tšwa go Abram matšatši a se makae pele, eupša bjale ke Abraham. Gomme a bitša go tšwa go Sarai go ya go *Sarah*, "mohumagatšana." Gomme ka gona Modimo o timeletše pele ga Abraham, gomme a ya tlase ka Sodoma, gomme leo e be e le leswao la bona la go tswalela. Mollo o wele go tšwa legodimong le go senya bohle ba Sodoma le Gomora, le ditoropokgolo tikologong mabapi.

⁷ Go bontšha, ka seswantšho, se lefase la Bantle le tla se dirago. Le tla senywa, le tla senywa ka mollo. Modimo o tshepišitše seo, gore A ka se sa fediša lefase ka meetse gape, ka go re fa leswao. Modimo ga a ke a dira selo ntle le leswao. Gomme O re fa leswao la molalatladi, bjalo ka kgwerano, A ka se tsoge a senya lefase gape ka meetse. Gomme, bjale, eupša nako ye ke mollo.

⁸ Gomme bjalo ka ge Jesu a boletše ka dinako, O rile, "Bjalo ka ge go bile matšatšing a Noage, ge areka e be e lokišwa, moo disoulo tše seswai feela di pholosítšwego ke meetse, go tla ba bjalo ka go tleng ga Morwa wa motho." Lebelelang bonnyane fao, "Bjalo ka ge go bile, fao disoulo tše seswai di pholosítšwego ka meetse." Gomme O ile pele le go fa maitshwaro a letšatši leo, "go ja, go nwa, go nyala, go fiwa lenyalong." Gomme ge . . .

⁹ Ke be ke bala seo nako ye nngwe ya go feta gomme ke be ke swaya ka yona, ke rera ka yona. Gomme ka gona ke swere, Jesu o badile Genesi ya go swana ye ke e badilego gomme le e badilego. Kafao ke ile morago ka go Genesi 6, go hwetša se ba se dirilego letšatšing lela, gomme re hwetša gore "barwa ba Modimo ba itšeetše go bona barwedi ba batho." Ke lebeletše phetolelo ya bona godimo fale, e rile, "ba itšeetše basadi," e sego barwedi. Seo se be se no swana le Reno, Nevada; e no ba lenyaloo, tlhalo, go swana le Hollywood, le go ya pele. Gomme ka gona o rile, "ba e be e le banna ba go tsebega, ba kgale."

¹⁰ Ka gona le bone kgatišobaka ya *Life*, moo bogoboga bjo bogolo bjo bo tlago godimo ka Engelane, bja banna bale ba go tsebega, le bommalegogwana bale le dilo, le ka fao babuši ba rena. Gomme, oo, nna, a tlhakahlakano ye re lego ka go yona, feela tlwa seswantšho se Jesu a boletšego gore se tla direga, le a bona. "Go ja, go nwa, go nyala, go fiwa mo lenyalong, gomme ga se ba tsebe go fihlela letšatši leo Noage a tsenego ka arekeng."

¹¹ Gomme ka gona mojako wa tswalelwaa. Fao go be go se sa na le sebaka. Yeo e be e le theroy gagwe ya mafelelo. Thero ya mafelelo ye e rerilwego ka go bodiredi bjo bongwe le bjo

bongwe bjo bogolo e bile go ba go se kgonege go phološwa. Noage, molaetša wa gagwe wa mafelelo o be o le go ba go se kgonege go phološwa. Le a bona, o ile ka gare gomme mojako wa tswalelwā ka morago ga gagwe, gomme o be a le ka kua matšatši a šupa pele e thoma go na. Le a bona, molaetša wa gagwe pele o bile go rera, go aga areka, gomme morago ya tswalelwā matšatši a šupago.

¹² Batho ba rile, “Lehlanya lela la kgale. Le a bona, o no ba ka fale, o tswaletše lebati yenamong.” Eupša Modimo o le tswaletše. Selo sa go swana se bego se le ka Sodoma.

¹³ Lebelelang Morena wa rena Jesu. Ge A tlide lefaseng, O be a le Moprefeta yo moswa wa Galelia. O ile ka disinagogeng, yo mongwe le yo mongwe o Mo ratile. O fodištše balwetši. Yeo e bile karolo ya Gagwe ya mathomo ya bodiredi bja Gagwe, legato la pele. Legato la bobedi e be e le seprofeto, moo A thomilego go kgalema Bafarisei le Basadutsei ba matšatši a Gagwe, a ba botša se ba bego ba le sona le ka fao ba bego ba foufetše gomme ga se ba kgona go Le bona, le yo A bego a le, le go ya pele, le a tseba, le se se bego se eya go direga go bona. Godimo ga se O ile a ahlolwa, gomme godimo ga motheo wo O bapotšwe, eupša ga se ba ke ba kgona go emiša Molaetša. O ka kgona go emiša motseta, eupša e sego Molaetša. Gomme Beibele e boletše gore “O rotogetše ka heleng gomme o rerile go disoulo tše di bego di le ka kgolegong, tše di nako ye nngwe di bilego go se kwe,” gomme fao Molaetša wa Gagwe wa mafelelo o be o le go balahlegi.

¹⁴ Eba gampe go nagana, bjale, gore a mangwe a matšatši a gore batho ba be ba eya pele ba rera go no swana le ge ba dirile ka matšatšing a Noage, ba tla be ba eya pele feela go swana, eupša go lefase le le lahlegilego leo mabati a šetšego le tswaletšwe. Ga re tsebe ke nako efe yeo e ka diregago. Kafao ge o se Mokriste, bošegong bjo, nagana ka yona thata ka kgonthe. E fe mogopoloo wa Šedikgolo.

¹⁵ Bjale go ne selo se tee feela seo re tsebago go se dira, ke go latela ditaelo tše Morena wa rena a re tlogeletšego, “Rerang Ebangedi go sebopiwa se sengwe le se sengwe.” O tseba yo a phološitšwego le yo a sego. Ga re dire seo. Re no lahlela lokwa ka lewatleng, ra tliša pele mehuta yohle, eupša Modimo o tseba ke mang a phološitšwego le ke mang a sego. “Gomme ga go motho a ka tlago go Yena ntle le ge Tate a mo gogile; gomme bohole Tate a Mo filego ba tla tla.” Re tseba seo, le a bona. Kafao re ka se kgone go bolela yo motee *yo* ke Mokriste gomme *yola* ga se yena, gobane O rile, “Mmušo wa Legodimo o swana le monna yo a tšerego lokwa gomme a ya lewatleng gomme a le lahlela ka gare. Ge a tšeetše lokwa ka gare, o bile le mehuta yohle ya dilo ka kua. Go be go tla ba digokgo tša meetse, dikhunkhwane, dinoga, le hlapi, le hlapi ya setopeledi, le hlapi ye botse.” Gomme, eupša, le a bona, di-di dikhunkhwane tša meetse le dilo mafelelong di nanampela

morago ka meetseng gape, eupša hlapi ye botse e be e bolokilwe bakeng sa Mong. Bjale ga re tsebe ke efe. Re no lahlela lokwa.

¹⁶ Eupša elelwang, khunkhwane yela ya meetse e be e le khunkhwane ya meetse ge lokwa le ile ka godimo ga gagwe. Khuetšo ya kopano e be e le ye e mo swerego. Noga e be e sa le noga, lokwa la Ebangedi le nno mo gogela ka gare. Gomme hlapi ya setopeledi e be e le hlapi ya setopeledi, pshinyaleraga e be e le pshinyaleraga, crawfish e be e le crawfish, le a bona. Eupša hlapi ya kgontche e be e le hlapi, sa mathomo. Kafao O a tseba ke ofe a lego, gobane O ne maina a bona go Puku ya Gagwe, a beilwe fale ge Kwana e hlabilwe pele ga motheo wa lefase.

¹⁷ Re mo go leka go dira karolo ya ren. Bjale Ngwanešu Vick o bile godimo khoneng, a lahlela lokwa, lebaka la mengwaga ye mentši. Badiredi ba bangwe ba bile dikhoneng tše dingwe, ba lahlela lokwa. Ke tla go loga lokwa la ka le lena baena, gore re kgone go no dira tahlelo ye kgolo kudu, le go no tšwelapele go goga, boka batheadihlapi mo dikhoneng tša letsha. Le lengwe la matšatši a, hlapi ya mafelelo e tla tšewa go tšwa letsheng. Go thea dihlapi go tla be go fedile nako yeo. A re nyakeng Modimo ka dipelo tša ren a tšohle, re rapele le go hlokoфala bjalo ka ge re bona iri y e batamela.

¹⁸ Bjale, bošegong bjo re ya go rapelela balwetši. Re e fa ntłe. Ke a dumela Billy . . . Ga se ka hwetša go bolela . . . A o file ntłe dikarata tša thapelo? Tše . . . Ya. Gabotse, eya . . . Gabotse. Seo se gabotse. Go lokile.

¹⁹ Rena, bošegong bja go feta, re be re eya go aga godimo bakeng sa bošegong bjo, bakeng sa tirelo ya thapelo. Gomme ka gona ke naganne mohlomongwe go tšeа bošego goba a mabedi, feela bakeng sa ther. Gomme re tla bona ke ba bakae ba sego ba amogela Moya wo Mokgethwa. Gomme seo ke kgwekgwe ya selo, le a bona. Ge o—ge o hwetša . . . Ge o fodištšwe, Modimo o tla go fodiša, nnete. O šetše a e dirile. O no swanela go e dumela. Eupša ge o le, o tla babja gape ge o phela botelele go lekanelia, mohlomongwe. Eupša ge o phološitšwe, seo se a fapania, le a bona, seo. Le a bona?

²⁰ Gomme bjale re ya go bolela selo se tee se gobane dinako tše dingwe go ne basetsebje ba tlago ka gare, gore mohlomongwe ka kopanong, mohlomongwe ga se nke a ke a bona tirelo ya phodišo. Gomme dinako tše ntši ba leka go kgomaretša lentšu leo godimo ga gago, “mofodiši yo Mokgethwa.” Eupša fao ga go . . . Fao go mofodiši yo motee feela yo Mokgethwa, yoo ke Modimo. Gomme, gabotse, go na le Mofodiši yo motee feela, yoo ke Modimo.

²¹ Bjale, dingaka ga di ttleime go ba bafodiši. Ga se bafodiši, ga ba ttleime go ba. Go ka reng ge ke ile ntłe le go roba letsogo la ka ntłe mo, le go ya ka gare le go re, “Ngaka, fodiša letsogo la ka, thwi ka pela, ke—ke swanetše go fetša mošomo wa ka”? O be a tla re, “O hloka phodišo ya monagano.” Gabotse, yeo, yeo

e be e tla ba therešo. Le a bona? Bjale ngaka a ka kgona go bea letsogo la ka, eupša Modimo o dira phodišo. Ge ke segile seatla sa ka, ke re, “Ngaka, ke segile seatla sa ka, mphodiše sona thwi ka pela.” A ka se kgone go dira seo. Selo se nnoši a ka kgonago go se dira ke go se hlatswa; ge se bulegile, a ka kgona go se roka; eupša Modimo o swanetše go se fodiša.

²² Le a bona, tlhago e swanetše go hlogiša disele, bophelo. Bophelo bo swanetše go bea seo mmogo. Mmele o swanetše go tšweletša khalesiamo, le go ya pele, le go ba le bophelo bjonomong. Khalesiamo e ka se fodiše. Ke bophelo. Le a bona, ga go sehlare se se fodišago. Sehlare se tšwelapele se hlwekiša feela ge Modimo a fodiša. Le a bona? Ga go sehlare se se fodišago.

²³ Ge nka sega seatla sa ka, gomme ka wela fase ke hwile fa, le a bona. Ge o ka ntšea wa nkiša go ngaka, gomme—gomme wa re, “A o ka fodiša monna yo?”

O be a tla re, “Gobaneng, o hwile.”

²⁴ Go lokile, gona o re, “A re se roke. Gomme o ne sehlare tsoko seo se tla fodišago seatla sela, a ga o?”

“Aowa, ga re naso.”

²⁵ Le a bona, ge ba nthokaganya, gomme ba mpha seela sa go omeletša seo se ka ntirago gore ke lebelelege wa tlhago mengwaga ye lekgolo, le go mpha tšhwana ya phenisilini letšatsi le lengwe le le lengwe, le go bea setlolo sohle lefelong leo, ka kgonthe se ka se fole. Gobaneng? Gobane bophelo bjola bo tšwile go sona.

²⁶ Gabotse, gona, mofodiši ke ofe, sehlare goba bophelo? Bjale le mpotša se bophelo bo lego, gomme ke tla le botša Modimo ke mang. Le a bona? Modimo ke bophelo. Le a bona? Lena le . . .

²⁷ Re boletše bošego bja go feta, “Re na le bontši kudu bja dikgerekere, gomme e sego maatlatshepedišo.” Bjale, mmele wa ka ke dikgerekere, eupša mmele wa ka o ka se dirišane ntle le maatlatshepedišo, moya. Le a bona? Gomme moya o dira mmele wa ka, o o tliša ka taolong.

²⁸ Boka se—se sefatanaga se se se nago makhura ka go sona, se se se nago maatla a go laeta, le a bona. Ga go kgathale maatlatshepedišo ke a makaone bjang, goba ke ra . . . dikgerekere di lokišitšwe, disilintere, di . . . le di—di dipointe le dipholaka, le eng kapa eng gape, e swanetše go ba le mohlagase gape. O swanetše go tšea yeo mmogo.

²⁹ Yeo ke tsela ye Modimo a lego. E swanetše go hwetša modumedi le Modimo, go dira kgomano, ka gona se sengwe se ya go direga.

³⁰ Kafao phodišo Kgethwa e no ba boka phološo. Ga go motho yo a rerago Ebangedi ya phološo bakeng sa soulo ya gago a ka nyakago go bitšwa Mophološi yo Mokgethwa, eupša o tla no ba Mophološi yo Mokgethwa kudu bjalo ka ge motho e ka ba mang

a ka rera phodišo Kgethwa e tla ba mofodiši yo Mokgethwa. Gobane, motho ga a kgone go re o kgona go phološa motho, gobane Jesu o šetše a dirile seo. Le a bona? Go lokile. Eupša, ka theroy gagwe, o ba šupetša go Kriste Yo e lego Mopholoshi.

³¹ Phodišo Kgethwa e ba šupetša feels go mošomo wo o feditšwego wa Khalibari, “Ka gore O gobaditšwe ka baka la dikarogo tša rena, ka megogoma ya Gagwe re fodišitšwe.” Le a bona? Le a bona? Phodišo Kgethwa ga se se sengwe seo monna tsoko a nago naso, seo a ka kgonago go se bea godimo ga gago. Ke se tumelo ya gago e lego ka go mošomo wo o feditšwego.

³² Ge Jesu a ka be eme fa bošegong bjo a apere sutu ye, yeo A mphilego, O be a ka se kgone go go fodiša. O be a tla no... O—O be a ka kgona... O ka no tseba gore e be e le Jesu; eupša A ka se kgone go go fodiša, gobane O šetše a e dirile. Le a bona, o tla swanela go e dumela. Bjale O be a tla re, “ngwana wa Ka, ga o tsebe gore ka megogoma ya Ka o fodišitšwe?” Le a bona, O šetše a e dirile. E šetše e le mošomo wo o feditšwego. Ke lebaka le le fetilego. Re no e dumela bjale. Gomme, go nna, Lentšu le tla lekanelia. Ge o boditše yo mongwe se sengwe, ba be ba sa nyake go se dumela, gabotse, seo—seo se tla e rumia, a nke ba ye pele gomme ba se e dumele. Eupša yoo ga se Modimo, le a bona.

³³ Go no swana le pina ye nnyane ke bego ke e kwa modiredi le mosadimogatša wa gagwe ba e opela, “E sego bjalo ka ba ba hwago ba lebalelana seng, Jesu o a lebalela le go lebala.” Le a bona? Re ka se kgone go e lebala, le a bona, eupša O a kgona. Yena ke Modimo. A ka kgona go e lebala; ga se ya ke ya ba. O e bea ka Lewatleng la Bolebadi, gomme ebile ga a e elelwe. Yena ke Modimo. A ka kgona go e tsea go tšwa go kelello ya Gagwe ya go felela. Eupša re ka se kgone go dira seo, le a bona. A ka kgona.

³⁴ Bjale ge o Mo dumela, gore O go diretše se, “O go fodišitše ge A—ge A gobaditšwe ka baka la dikarogo tša gago, gomme ka megogoma ya Gagwe o fodišitšwe,” lebaka le le fetilego. Bjale selo se nnoši o swanetšego go se dira ke go e dumela. Bjale Lentšu le a e ruta. Ga go yo a ka kgonago go bolela Lentšu ga le e ruta. Gomme Le a e ruta, bjale, gomme re bona bohlatse bjo bontši kudu bja batho ba fodišwa mogohle. Eupša go ne phodišo Kgethwa.

³⁵ Bjale ge e ka ba wena goba nna, ge re rometše lentšu la rena, le go ikema bjalo ka Modimo, gabotse, ge batho ba be ba sa nyake go e dumela, ba be ba ka se swanele go; morago ga tšohle, ke bona ba babjago. Eupša e sego Modimo.

³⁶ Gape O beile ka Kerekeng, baapostola, baprofeta, barutiši, badiša, le baebangedi, le a bona, bohole bao bakeng sa go phethagatša Mmele. Gomme ka Mmeleng wo, mmele wo mongwe le wo mongwe wa selegae, O file dimpho tše senyane tša semoya, gomme dimpho tše ke—ke mehuta ya go fapania; bohlale, tsebo, go bolela ka maleme, dimpho tša phodišo, tlhathollo ya maleme,

le go ya pele; dimpho tše senyane tša semoya, tšohle go bontšha lerato la Gagwe go Kereke, le a bona, gore O nyaka le dule ka lenaneo, Moya wo Mokgethwa wo mogolo Yenamong e lego Morutiši wa sephiri wa Kereke. Go befile kudu re tšere pišopo sebakeng sa Moya wo Mokgethwa, go ba morutiši wa rena, le a bona. Eupša re—re... Moya wo Mokgethwa ke Morutiši wa sephiri yo Modimo a mo filego Kereke, go godiša Kereke, go e tliša godimo ka go keletšo ya Modimo. Kafao Moya wo Mokgethwa o bea dimpho tše ka go lokologa ka Kerekeng, gomme di šoma ka go phethagala, ge o ka no se thantshelwe le go leka go no tsea se o naganago wenamong.

³⁷ Ke moo batho ba dirago diphošo: Ke hwetša gore, magareng ga batho, gore yo mongwe o huetšegile gohle le mohuta wa go thantshela gannyane, ka Moya wo Mokgethwa, e lego, go a makatša, go tutuetšwa, eupša fao, yo mongwe o tla tla go wena le go re, “A Morena o bolela *bjalo-le-jalo*?”

Le a bona, ga—ga wa swanela go ba fa karabo. O se e bolele ntle le ge Modimo a e bolela, gona o na le O RIALO MORENA, gona ga se gona se ka e thibelago go direga, e no swanela go direga.

³⁸ Ke tšeа e ka ba mang go—go laela, bošegong bjo, ga se nke wa ke wa kwa Moya wo Mokgethwa o bolela ka dikopanong, ka O RIALO MORENA, eupša se se diregilego tlwa ka tsela yeo, tlwa, go tšwa go ditaba tše dimilione. Le a bona, ka go felela E swanetše go ba nnete.

³⁹ Ge Moya wo Mokgethwa o ka tla bošegong bjo gomme wa re go nna, ka pono, “Ke nyaka o ye mabitleng a Mopresidente, gosasa, ke ya go tsoša George Washington,” Ke tla laletša lefase go tla go e bona e dirwa. E swanetše go direga, le a bona, ka gore Moya wo Mokgethwa o boletše bjalo. Seo se e dira therešo.

⁴⁰ Eupša go fihla A bolela seo, o no leta, le a bona. Le a bona? O a tseba o pholositšwe, gomme o a tseba o tladitšwe ka botho bja Gagwe. Gomme o tseba ka fao... Ge A le ka go wena, O tla diragatša Bophelo bja Gagwe ntle ka go wena, kafao nno kgotsofala. O nyaka go go šomiša, ka kgontha O tla e dira, le a bona, O tseba moo o lego.

⁴¹ Gomme ke nagana go direng seo ka lerato le kopanelo seng sa rena, re lebala tlhakahlakano yohle ye, dikerekemaina le mellwane, gomme madira a magolo a Modimo a ya a matšhetša pele go ya go phenyo.

⁴² Ke ya go bala karolo ye nnyane ya Lengwalo, bošegong bjo, gomme ba bantši ba lena ba ka nyaka go bala mmogo le nna. Ge le rata, gobaneng, ka kgontha le ka kcona. Gomme bjale re nyaka go phetla go Puku ya Mokgethwa Mateo, tema ya 12, ge le ka rata go bala le nna ge ke bala. Ka go temana ya 38, ya Mokgethwa Mateo tema ya 12.

⁴³ Gomme ke nyaka go bega bjale se thuto ye ke nyakago go bolela ka yona ke *Leswao La Nako Ye*. Se ke sehlogo se sennyane sa go tlwaelega, gomme ke no bolela se gobane ke be ke rapela. Gomme ga—ga ke rate go tlogela theroye thata gomme ka gona ke tle morago go mothalo wola gape. Gobane, mang kapa mang o a tseba, gore dimpho tša Moya wo Mokgethwa, di šoma ka tšhanele ye e itšego. “Go ne dimpho tša phodišo, ka Moya wa go swana; dimpho tša maleme, ka Moya wa go swana,” feela tšhanele ye nngwe, gomme o ikgogela wenamong go tloga go e tee go ya go ye nngwe. Kafao a re baleng bjale. Ge le . . .

Fao go be go le . . . *Ka gona ba bangwe ba bamangwalo le Bafarisei ba arabile, ba re, Mong, re rata go bona leswao go tšwa go wena.*

Eupša o fetotše gomme o rile go bona, Moloko wo mobe le bootswa o nyaka leswao; gomme go ka se be leswao—go ka se be leswao le le filwego, eupša leswao la moprofeta Jona:

Ka gore bjalo ka ge Jona a bile matšatši a mararo le mašego a mararo mpeng ya hlapikgolo; kafao Morwa wa motho o tla ba matšatši a mararo le mašego a mararo ka pelong ya lefase.

Batho ba Ninife ba tla tsoga ka kahlolong le moloko wo, gomme ba tla o ahlol: gobane ba sokologile ka theroye Jona; gomme, bonang, yo mogolwane go feta Jona o fa.

Kgošigadi ya borwa e tla tsoga ka kahlolong le moloko wo, gomme o tla o ahlol: ka gore o tlile go tšwa dikarolong tša kgolekgole tša lefase go kwa bohlale bja Salomo; gomme, bonang, yo mogolwane go feta Salomo o fa.

⁴⁴ Re hwetša fa gore Morena wa rena, ka Lengwalong leo re sa tšwago go le bala, yeo e be e le thwi ka go mosepelo wa se Bajuda ba se dumelago. Bajuda ba dumetše go maswao. Gomme ba be ba etla go Jesu, baithutamodimo ba, gomme ba boledišana le Yena, gore ba rata go bona leswao go tšwa go Yena. Bjale le bona ka fao ba bego ba foufetše? O be a šetše a laeditše leswao la Gagwe, gore se A bego a le sona, gore O be a le Mesia.

⁴⁵ Re be re le ka go seo mantšiboa a go feta. Ke ba bakae ba bego ba le mo mantšiboa a go feta? A re boneng. Seo se kaone. Go lokile.

⁴⁶ Re be re le go yeo bošegong bja go feta, le go netefatša go batheeletši, gore leswao la Bomesia le A bego a swanetše go le laetša, gore O be a le Mopropfeta yoo Moshe a rilego o be a tla tsoga. “Gomme bohole ba sego ba dumela Mopropfeta yo, ba be ba tla ripša go tloga magareng ga batho. Morena Modimo wa lena o tla tsoša Mopropfeta wa go swana le Nna.” Gomme ge A etla le dira leswao la Mopropfeta, gabotse, bontši bja bona ba

nyakile go bolela gore O be a le be—be Beletsebubu goba moya tsoko wo mobe.

⁴⁷ Gomme O ba boditše, o rile, “Bjale, se, se se tla lebalelwena. Eupša ge Moya wo Mokgethwa o tlide, gomme o bolela kgahlanong le Woo o dira modiro wa go swana, ka nnete, e ka se tsoge ya lebalelwena, ka go lefase le goba ka go lefase le le tlago.”

⁴⁸ Bjale re nyaka go batamela dilo tše feela e sego ka bohwefo, re swanetše ka tlhokofalo go tla go se le go bona. Jesu o dirile setatamente seo, gore ge Moya wo Mokgethwa o etla go dira modiro wa go swana woo A o dirilego, gore go bolela lentšu kgahlanong le Ona, le ka se tsoge la lebalelwka lefaseng goba ka lefaseng le le tlago.

⁴⁹ Bjale, elelwang, Moya wo Mokgethwa o be o se wa fiwa go fihlela Pentecost. Gomme Bajuda ba be ba šetše ba hlatsetšwe ke Motho Jesu Kriste; Basamaria ba be ba hlatsetšwe ke Motho wa Jesu Kriste. Kafao Modimo wa toka a ka se ahlole batho ba go loka, go swanetše go ba batho ba go se loke bakeng sa Modimo go ba ahlola. Gabotse, gona, Moya wo Mokgethwa wo o swanetše go bowa mo matšatšing a mafelelo godimo ga kereke le go bontšha maswao ale a go swana bjalo ka ge A dirile nako yela, gobane Modimo ga a tsoge a fetola tsela ya Gagwe.

⁵⁰ Modimo ga a tsoge a dira selo se tee ka tsela *ye*, gomme tsela ye nngwe a dira se sengwe gape ka tsela ya go fapano. Le a bona, sephetho sa Gagwe sa mathomo se phethagetše gobane Yena ke Modimo. Le a bona? Lentšu la Gagwe le ka se fetoge. Yena—Yena—Yena ga se a ithuta bontši ka go mengwaga ye ye dikete tše tshela yeo re nago le yona ya histori ya motho. Ga se A ke a ithuta go feta ka mo A dirilego morago kua, ka baka la gore Yena ke mohlokamagomo sa mathomo. Le a bona? Gomme ga A tsoge a fetola Lentšu la Gagwe—la Gagwe—la Gagwe. O swanetše . . .

⁵¹ O kgethile go phološa motho ka Madi a tšholotšwego a wa go hloka molato. Re lekile go ba ruta, re lekile go ba dira kerekelina, re lekile se sengwe le se sengwe ka lefaseng, le bophelo bja leago, gomme bo paletšwe nthathana ye nngwe le ye nngwe, gomme bo tla tšwelapele go palelwa go fihla re etla morago ka tlase ga Madi. Leo ke lefelo le nnoši go lego kopanelo.

⁵² Modimo ga a tsoge a fetoga. Ge Modimo a bolela e ka ba eng, seo se swanetše go šala neng le neng. Ge Modimo . . . Ge motho a etla go Modimo, gomme Modimo o fodišitše motho yola mo motheong wa tumelo ya gagwe, O swanetše go dira motho wa go latela ka tsela ya go swana, goba O dirile phošo ge A fodišitše motho wa mathomo. Ge A phološitše motho ka tlase ga Madi, gomme Ao a nnoši, gomme o tla dumelela yo mongwe go tsena ka gare feela ka tlase ga thuto goba go beng moithutamodimo tsoko goba se sengwe, ntle le ge Madi a a tšholotšwego a dirišitše go yena, O dirile phošo ge A be a nyaka Madi bakeng sa motho wa

mathomo. Le a bona, O swanetše go dula a swana. Morero wa Gagwe ka mehla o bile go swana. Ditiro tša gagwe ka mehla di bile go swana.

⁵³ Modimo ga go nako ye a kilego a šomana le mokgatlo wo o itšego. E hwetšeng ka historing. Ka mehla O šoma le yo motee motho ka motho, ga se a ke a ba sehlopha; yo motee motho ka motho. Re hwetša ka go histori, gore ge banna ba bagolo ba tsoga, Morena o ba rometše go lefelotiragalo, gomme ge ba fetile, ba bile le mokgatlo ka morago ga bona. Gomme ga se gwa ke gwa ba nako ye batho ba kilego ba kgatlofatša eupša mokgatlo wola wa hwa, gomme ga se nke wa ke wa bowa morago gape go dikgao tša semoya boka go bile. Ke sa tšo—ke sa tšo fetša e ka ba mengwaga ye masomepedi ya histori ya Beibele, kafao ga go lefelo leo ba kilego ba tsoga gape.

⁵⁴ Modimo o šoma bakeng sa lehono. Se A se dirago gosasa se godimo ga Gagwe. Gomme ka mehla O mekamekana le rena, le motho ka motho, le a bona, gobane dihlopha tša banna di ne dikgopololo tše dintši kudu.

⁵⁵ Lebelelang, le baapostola, ka morago ga ge ba lekile go kgetha yo motee, ka baka la gore Judase a wele, ba dirile matengwa gomme a wela godimo ga Mathiase. Yeo e be e le bokaonekaone bjo ba bego ba ka kgonago bo dira ka dinotlelo go ya Muušong. Gomme ga go Lengwalo le ngwadilwego moo a dirilego e ka ba eng. Eupša Modimo o kgethile Saulo, moisa yo monnyane wa sebefedi, eupša O ile a swanela go mo lahlela mokokotlong wa gagwe letšatši le lengwe le—le go mo dumelela go lebelela godimo lebakana. Gomme O rile, “Ke tla mmontšha dilo tše kgolo tše a swanetšego go tlaišega ka Nna.” Le a bona? Le a bona, kereke e kgethile Mathiase, eupša Modimo o kgethile Paulo. Le a bona, yeo ke phapano. Modimo ka mehla o dira kgetho ya Gagwe, kgetho ya Gagwe. Modimo o dira seo ka kgetho, ka tsebelopele ya Gagwe.

⁵⁶ Bjale re hwetša gore Modimo ka mehla o mekamekane le batho, ka maswao le matete. O tshepišitše maswao a matšatši a mafelelo. Modimo a ka se kgone go fetola pholisi ya Gagwe. Ka mehla O bolela le batho ka baprofeta ba Gagwe. Go bile le dinako tše ntši, gohole go kgabola mabaka; eupša Modimo ka mehla o bile le moprofeta felotsoko yo A ka kgonago go bolela le yena, yo mongwe le yo mongwe yoo Lentšu la Morena le tla tlago go yena, gomme seo se nnoši, le a bona, godimo ga moprofeta yola. Le a bona?

⁵⁷ Ka mehla ba be ba eya tlase le go hwetša moo moprofeta yo a bego a le gona. *Mmoni* go ra—*mmoni* go ra e ka ba “go bolelapele goba go bolela pele,” ke mmoni yoo a bonago dilo tše di yago go direga. Gomme o e akanyetšapele go batho. Gomme Beibele e rile, “Ge e sa tle go phethega, gona le se ke la mo kwa.” E swanetše go ba nako ye nngwe le ye nngwe. Modimo

a ka se palelwe, le a bona. “Gomme ge e sa tle go phethega,” gona O rile, “O be a se na le motho yoo.” Kafao godimo ga seo, batho ba tsebile gore Lentšu la Morena le be le le mmoni yo yoo A bilego le yena, baboni ba Testamente ya Kgale.

⁵⁸ Bjale Moya wo Mokgethwa ga o fetole mokgwa woo. Jesu o rile, “Ge Yena Moya wo Mokgethwa a tlide godimo ga lena, O tla le bontšha dilo tše Ke le rutilego, Ke di boletšego go lena, gomme O tla le laetša dilo tše di tlago.” Le a bona, ga A tsoge a fetola tshepedišo ya Gagwe; ka mehla go swana, kagona re ka ba le boitshepo ka go Yena.

⁵⁹ Eupša, le a bona, karolo ya rená ya motho e itira renabeng go tatagana gohle ka go dilo tša go fapana, gomme dihlopha tša banna di tla mmogo le go bouta go se le sela. Fao ke se se re lahlelago go tloga mothalong, le a bona, le go re, “Gabotse, Le e be e le la letšatši le lengwe.” Aowa. O a swana maabane, lehono, le go ya go ile. Gomme Lentšu lohle le šušumeditšwe, lohle la Lona.

⁶⁰ Bjale Jesu o tlide tlwa ka go leswao le le bego le swanetše go Mo latela, bjalo ka ge Moshe a boleletšepele gore Mesia o be a tla ba Mopropeta yo a tloditšwego yo Morena a bego a tla mo tsoša, gomme O bontšitše ka go hlaka gore O be a le Mopropeta yola. Gomme bjale Bafarasei ba ba tla go Yena gomme ba re, “Morena, re tla nyaka leswao go tšwa go Wena.”

⁶¹ O rile, lefelo le lengwe A boletšego, ge le ka rata go e bala, ka go Mokgethwa Mateo tema ya 16 gomme temana ya 3, 1 go ya go 3, ba Mo kgopetše gape bakeng sa leswao. Gomme O rile, “Lena Bafarisei ba difofu, baikaketši, le ya ntle gomme la bona letšatši le dikela,” gomme le rile, “le—le re, ‘Gosasa go ya go apoga.’ Ge e le le lehubedu gannyane le go lepelela, le re, ‘E tla ba boso bja go befa.’” O rile, “Lena baikaketši, le kgona go hlatha sefahlego sa mafaufau; eupša leswao la nako, ga le kgone go le hlatha.” Ba swanetše go be ba le tsebile.

⁶² Bjale, bjale ge Moya wo Mokgethwa wo o etla ka matšatšing a mafelelo o swanetše tlwa go ba Bophelo bja Kriste ka Kerekeng, le a bona, gomme lefase le le segago Woo goba le bolela lentšu le tee kgahlanong le Ona, ka maatlataolo a Lentšu la Modimo, le tla senywa. Kafao le bona se lefase le se dirilego, kafao Modimo go neša kahlolo go tšwa legodimong go tlwa ka lenaneong gonabjale. Setšaba sa rená, ditoropokgolo tša rená, lefase la rená, le budule bakeng sa kahlolo.

⁶³ Gomme ke na le nnete gore go thari go feta ka mo re naganago. O rile O tla swanela go e kgaletša bakeng sa Bakgethiwa, goba go ka se be le nama e pholoswago.

⁶⁴ E no naganana ka eng, letšatši ka letšatši, ngwaga ka ngwaga, go befa kudu. Lebelelang lena batho ba bokgethwa, batho ba Pentecostal, ka fao go bola go tsenego magareng ga dikereke; go ngangana, go ya pele.

⁶⁵ Lebelelang basadi ba rena. Go be go fela go eba phošo go bona go ripa moriri wa bona; Beibele e re, "Ke phošo." Eupša ba e dira go le bjalo. Ke, Beibele e rile go bona go se e dire. Gomme go apara diaparo tše tše di bogegago boka diaparo tše banna; Beibele e rile, "Ao ke makgapha go Modimo."

⁶⁶ "Oo," le re, "bao ke Mamethodist." Bao ke Mapentecostal. Yeo ke nnene. Ke bohole ba bona, le a bona.

⁶⁷ Gobaneng e le? Le rata mananeo a lena a thelebišene kudu go feta le tshwenyega ka go bala Beibele. Le a bona, le—le dira batho bale mohlala wa lena sebakeng sa Lentšu la Modimo. Le a bona? Bjale, gona, e swanetše go ba kahlolo, gomme kgafetšakgafetša e befa le go befa.

⁶⁸ Bjale Jesu o ba boditše gore go tla ba le leswao. O boletše ka maswao a letšatši la mafelelo. Gomme bosegong bja go feta O re boditše, "Bjalo ka ge go bile matsatšing a Sodoma, go tla ba bjalo mo go tleng ga Morwa wa motho, gore Moya wa Modimo o tla utollwa ka letšatšing la mafelelo, ka nameng ya motho, wo a tla kgonago go hlatha megopoloye e lego ka monaganong, pelo."

⁶⁹ Bjale Beibele e re Lentšu la Modimo le dira seo, Bahebere 4, "Lentšu la Modimo le maatla kudu, le maatla kudu, le bogale go feta tšhoša ya magalemabedi, le phuleletša ebile go arogany, moko wa lerapo, le mohlathi wa dikgopoloye le maikemišetša a pelo."

⁷⁰ Leo ke lebaka, Jesu o be a le Lentšu. "Mathomong," Mokgethwa Johane 1, "mathomong go be go le Lentšu, Lentšu le be le go Modimo, gomme Lentšu e be e le Modimo. Gomme Lentšu la dirwa nama gomme la dula magareng ga rena." Ke ka baka leo A kgonnego go lebelela godimo ga bona le go tseba dikgopoloye tše bona.

⁷¹ Ke ka baka leo A kgonnego go botša mosadi sedibeng, le a bona, gore, "O na le bannabagatša ba bahlano."

⁷² Ke ka baka leo A kgonnego go re go—go Filipi, ge a tlisitše Nathaniele; O rile go Nathaniele, "Bonang, Moisraele yo ka go yena go sego bomenetša."

O rile, "O ntsebile neng, Rabi?"

⁷³ O rile, "Pele Filipi a go bitša ge o be o le ka tlase ga mohlare, Ke go bone."

⁷⁴ Mohlathi wa dikgopoloye, oo, mafelo a mantši kudu ka Lengwalong a itsebagatšago Yenamong! Seo e be e se go Bantle. Ga go nako e tee A kilego a itsebisa Yenamong go Bantle ka mokgwa woo. Phetlang Mangwalo. Ga go nako e tee. Ke lehono. Le a bona? Bantle ba bile le mengwaga ye dikete tše pedi, ya go ithutha le thutamodimo; O tšere batho go tšwa go Bantle, bakeng sa Leina la Gagwe; eupša bjale nako e tlide gore se se swanetše go dirwa feela pele ga go swa go swana le ge go bile ka Sodoma.

⁷⁵ Mo go be go le Jesu ka la Gagwe la go tsebagatšwa, leswao le le hlatsetšwego, leswao la Lengwalo go batho, gomme efela Bajuda bale ba re, “Ke tla rata go Go bona o dira leswao.”

⁷⁶ A le kile la bona batho bao e lego basedumele, ba tla bolela seo go lena, “Ge go ka ba, ke tseba ka *semangmang* godimo mokgotheng, ge A ka ba fodiša!” Le a bona? Oo, ke—ke... O kgona go bona ke Sathane, selo sa go swana.

⁷⁷ Le a tseba ba rile, “Ge O le Morwa wa Modimo, fologa sefapanong.” Ba beile lenkgeretla go dikologa hlogo ya Gagwe, ba rile, “Mothaka yo o re ke Yena ‘Moproteta.’” Ba Mmethile hlogong ka phata, ka lešela godimo ga sefahlego sa Gagwe, ba rile, “Bjale profeta gomme o re botše ke mang a Go iteilego,” ge ba fetišeditše lepara go bona seng, ba rile, “re tla Go dumela.”

⁷⁸ Eupša, le a bona, Modimo ga a direle motho motlæ. Jesu o rile, “Ke dira feela se Tate a Mpontšago.” Le a bona? Gomme yeo ke nnete.

⁷⁹ Gomme yoo ke mohlanka wa therešo wa Modimo, ka mehla o obamela Mong wa gagwe. Le a bona? E sego go bompongeng goba—goba go bolela se sengwe go thabiša yo mongwe gape, eupša go botegela le go rereša go Yena yoo a mo romilego. Yoo ke mohlanka wa therešo wa Kriste.

⁸⁰ Go swana le Eliasara, moemedi, go tšwa go Abraham, le a bona, go tšeela monyalwa go—go Isaka, Rebekah yo mobotse; wa go obamela, mohla wa mohlanka, le a bona, o be a le mošomong wa mong wa gagwe, a nnoši. A sekai sa Moya wo Mokgethwia lehono, selo sa go swana, go hlaola Monyalwa, le a bona, nakong ya mantšiboa ge dietša di tima.

⁸¹ Bjale ba nyakile go bona leswao. Le ge A be a tsebagaditšwe, maswao a Lengwalo ka go tsenelela, efela ba be ba sa nyake go dumela leswao la Beibele. Ba be ba Mo nyaka go dira metlæ. A ga le bone? Woo ke mohuta wa go swana wa moyo woo o rilego, “Ge O le Morwa wa Modimo, laela matlapa a go fetoga borotho. Ge O le Morwa wa Modimo, itahlele ka Bowena fase go tloga mo, gobane go ngwadilwe O tla neela Barongwa ba Gagwe taolo godimo ga Gago; gore e se be nako e ka efe O kgopšago leoto la Gago kgahlanong le letlapa, Ba tla Go rwalela godimo.” Eupša O be a sa kgopše leoto la Gagwe kgahlanong le letlapa. Le a bona? Nnete. Gomme O boletše gape kua, ge le hlokometše, ge A beile se godimo ga sefapano, le go ya pele; bjale moyo wola fa o be o le ka go Bafarisei ba, o re, “Re tla nyaka leswao.”

⁸² O rile, “Moloko wo mobe le wa bootswa o tla nyaka leswao.” Hlokomelang.

⁸³ Gomme Yena, Modimo ka go mabaka ohle o bile le maswao bakeng sa batho ba Gagwe. Gomme ntle le go dira e ka ba eng, Modimo o romela leswao, ka mehla O romela leswao pele. Gomme O tshepišitše O tla dira selo sa go swana, gobane ga A kgone go fetoga. Kafao ge re bona nako ya bofelo e tšwelela,

le maswao a nako ya bofelo, le leswao la mafelelo le le bego le tshepišitšwe pele Sodoma e be e ka tshungwa.

⁸⁴ Re bile le thabo. Re bile le di—di dinaledi tše di šikinywago legodimong. Re bile le dintwa, le mekgoši ya dintwa. Re bile le ditšišinyego tša lefase mafelong a go fapana, le dilo tše tšohle. Le, dimpho tša Moya di boile morago go kereke. Re bile le diponagatšo tšohle tše tša go fapana, ditirelo tše kgolo tša phodišo le dilo, go bontšha. Ao ke maswao ohle.

⁸⁵ Eupša leswao la mafelelo, feela pele Bantle ba tshungwa, e be e le leswao: Modimo a bonagaditšwe ka nameng ya motho. Nnete. Gomme Jesu o rile seo se tla ba mo go boweng ga Gagwe. Re swanetše go hlokomela bjale le go ba gabotse ka kgontha le Modimo. Eba le mnene gore o a rereša, bjale.

⁸⁶ Ba be ba swanetše, Bajuda, ka mehla ba be ba swanetše go ithekga godimo ga maswao a bona, le tseba seo, sebakeng sa thutamodimo le thutophahlošo. Ba ile ba swanela go ithekga godimo ga leswao, gobane modumedi wa kgontha wa therešo ka mehla o dumela gore Modimo ke Modimo wa maatla.

⁸⁷ Gomme moo Modimo a lego, maswao a swanetše go direga. Le a bona, go no swana le go rothotha seripa sa tshipi, go fiša, godimo ga seroba, le a bona, ditlhase di swanetše go fofa. E a bonagatsa. Gomme mogohle Modimo a lego, le yena, go na le maswao le matete. Jesu o rile, “Maswao a a tla latela bona ba ba dumelago,” bodiredi go kgabola lefase, le a bona. “Maswao a a tla ba latela,” ka mehla maswao. Modimo ka mehla o fa maswao, boka A dirile mathomong, le go a fa moloko wo mongwe le wo mongwe, mo bofelong.

⁸⁸ O e dirile nakong ya Noage. Noage o be a le leswao go moloko wola. O be a le lehlanya go mahlo a lefase. Go borasaense, gobaneng, molaetša wa Gagwe—wa Gagwe o be o ka se be selo go swana le go kgonana le kwešišo ya bona ya saense. O rile, “Meetse a tla fase go tšwa magodimong gomme a ya go goloma lefase.”

⁸⁹ Ba ka no ba ba kgona go thunya ngwedi, goba ka ratara ya bona, goba e ka ba eng e billego. Ba rile, “Ga go na meetse godimo fale. Nka netefatša ka saense ga go meetse kua,” go ka no be go boletše borasaense.

⁹⁰ Eupša Noage o rile, “Modimo o a kgona. Ge go se meetse kua, Yena ke Mohlodi, A ka kgona go bea meetse kua. Gomme O tseba mokgwa wa go e dira.” Eupša o be a le leswao. O ile pele a aga areka ge go be go se meetse bakeng sa yona go phaphamala ka gare, eupša o—o e agile go le bjalo. O be a le leswao go batho bale.

⁹¹ Gabotse, Moshe o be a le leswao ka Egepeta, ge ba bone mehlolo ye megolo ye, le go ya pele. Salomo, pele go theoga.

⁹² Gona re hwetša fa gore ba biditše Jesu . . . leswao le A bego a ba fa lona, leswao la therešo la seprofeto la Lengwalo la bona.

⁹³ Bjale go na le maswao a mantši ao e sego maswao a Lengwalo. Re swanetše go ba le maswao a Lengwalo. E swanetše go tla O RIALO MORENA, go tšwa Beibeleng ye, le a bona, ka gona re a tseba ke therešo. Nnete, go ne dilo tše dintši tše di yago le seo, tše Modimo a ka kgonago go dira e ka ba eng A dumago. Yena ke Modimo. Eupša ke a tseba O boloka Lentšu la Gagwe, kafao ke nyaka go le bona go tšwa go Lentšu la Gagwe, gona ke a tseba ke therešo gobane ke Lentšu.

⁹⁴ Bjale re hwetša gore mo nakong ye, Jesu a bontšha leswao la Gagwe la Lengwalo, gomme efela ba biditše leswao lela la Lengwalo... Gobane ba be ba sa nyake go dumela leo go ba leswao la Lengwalo, ba ile ba swanela go hweletša batho karabo, kafao ba rile, “Ke—ke monagano wa Gagwe. O—O swerwe ke diabolo.” Gomme O biditše, ba Mmiditše, “Beletsebubu.” Gomme O be a ba kgalemela bakeng sa seo. Go tla ba eng ge A etla gape?

⁹⁵ Elang hloko, O šupile go Jona. “Bjalo ka ge go bile bjalo matšatšing a Jona,” go ra gore Jona, “go tla ba bjalo ka go Morwa, go tla ga Morwa wa motho.”

⁹⁶ Bjale batho ba bantši ba ahlola Jona. Ga ke ahlole Jona. Le a tseba, ba re, “Gabotse, ke Jona.” Le kwele tlhagišo yeo. Eupša ga la swanela go dira seo, Bakriste. Ga la swanela go ahlola bahlanka ba Modimo. Jona o be a le moprofeta. O be a se ka ntłe ga thato ya Modimo. O dirile feela tlwa. O swanetše go dira seo bakeng sa leswao. Se sengwe le se sengwe se a direga, e sego ka go no direga, se direga bakeng sa leswao.

⁹⁷ Nako ye nngwe, moprofeta o ile a swanela go nyala mmalegogwana, a be le bana ka yena. Yo motee o robetše ka lehlakoreng la gagwe lebaka la matšatši a makgolotharo le masomenne, morago a retologela godimo ka lehlakoreng le lengwe. Yo motee o hllobotše diaparo tša gagwe. Gomme feela se sengwe le se sengwe se dirile bakeng sa maswao, le a bona. Gomme Jona o ile a swanela go e dira bakeng sa leswao.

⁹⁸ Elelwang, Abraham o ile a swanela go nyala Hagara, kgahlanong le thato ya gagwe mong, ge Sarah a efa mohlankagadi, eupša o e ganne. Eupša Modimo a tšwelela go yena, a re, “Theeletša Sarah, ka baka la gore mosadi wa molokologi a ka se be mojabohwa le mosadi wa lekgoba.” O be a swanetše go ba le ngwana a lahlelwe ntłe. E be e le eng? Leswao. Ohle a lona ke maswao. Modimo o dira dilo bakeng sa maswao.

⁹⁹ Gomme Jona o be a le leswao. Bjale ge le ka hlokomela, Jesu o a e šupa fa, “Wa go fokola, wo mobe le wa bootswa moloko o tla nyaka leswao, gomme ba tla le hwetša. Ka gore bjalo ka ge moprofeta Jona a bile ka mpeng ya hlapikgolo lebaka la matšatši a mararo le mašego a mararo, kafao Morwa wa motho o swanetše, le a bona, a be ka pelong ya lefase lebaka la matšatši a mararo le

mašego a mararo.” Jona o be a le leswao la eng nako yeo? O be a le leswao la tsogo. Go lokile.

¹⁰⁰ Bjale, ge fao go kile gwa ba moloko wo o fapošitšwego, re phela ka go ona. Re tseba seo. O fapošitšwe, tlhaologanyong, nameng, thobalanong, se sengwe le se sengwe. O fapošitšwe. Moloko wo mobe, basedumele, bontši ke thanka go feta re kile ra ba le wona. Bona ke—bona ke mo—mo mohuta wa bokereke wa basedumele, gomme woo ke wo mothatathata go mekamekana le ona.

¹⁰¹ Ke nna moromiwa. Ke eme mo mašemong le go bona moo ba tlišitšego mohetene godimo, bao eibile ba sa tsebago seatla se setona le se setshadi ke sefe. Ba ka se tsebe. Gabotse, o—o tla ka seemong sa gagwe. Ga se nke a kwa ka Modimo. Bjale o nyaka go bona se sengwe. Gomme ka pela ge o ka netefatša go yena se e lego Therešo, o tla e amogela.

¹⁰² Eupša mohetene wa go rutega; le a bona, leo ke lentšu la go šiiša go le šomiša, eupša ke therešo. Le a bona, mohetene wa go rutega, o nyaka go thala kgopolu ya gagwe mong ka yona, le a bona, o tseba kudu ka yona. A ka se kgone go ikokobetša yenamong go feela tumelo, go lebelela Lentšu la Modimo.

¹⁰³ Yeo ke tsela ye Bafarisei bale ba bego ba le ka go letšatši lela, ba be ba sa kgone go no lebelela Lentšu. Le be le le fale, eupša ba be ba ka se nyake go Le bona. Gomme karolo ya go šokiša, go tseba gore ka kgonthe ba be ba foufetše. Modimo o dirile seo bakeng sa leswao.

¹⁰⁴ Bjale bonang lehono gona, leswao leo moloko wo mobe wo re phelago ka go ona o tla le bonago, le tla ba leswao la tsogo. Ga se a re go tla ba “le tee.” “Moloko wo mobe le bootswa o nyaka leswao, gomme ba tla amogela leswao la Jona; tsogo.” Gomme ka go wo mobe wo, wa bootswa, moloko wa go fapošwa wo re phelago ka go ona, lefase ka bophara! Le se nagane le na le yona yohle ka New York. Ga le na le tšona; di gohlegohle lefaseng. Le se nagane Amerika ke yona e nnoši yeo e nago le bona; ba gohlegohle lefaseng. Nnete. “Moloko wa bootswa,” le a bona, ke bona ba tla amogelago leswao la tsogo.

¹⁰⁵ Ka go matšatši a ohle, gore mola re na le Buddha, Masikhs, Majain, oo, mohuta wo mongwe le wo mongwe wa bodumedi, dikete tša tšona di dira go dikologa lefase, yo mongwe le yo mongwe wa bona a ka kgona go go tšeela lebitleng la bathomi ba bona. Eupša Bokriste bo na le lebitla la go se be le selo. Le a bona?

¹⁰⁶ E sego seo feela, eupša o ka se kgone go botša bona batho, wa re, “O phela ka pelong ya ka.” Ba tla go tliša thwi morago go Lentšu la Gagwe. Ka kgonthe ba tla dira. Ba tla go tliša thwi morago go Lentšu la Gagwe. Ya. O ka se kgone go tšweletša saekolotši go—go bahetene, le a bona, gobane modimo wa gagwe o phela ka pelong ya gagwe, le yena.

¹⁰⁷ Ke bone Bomohammedan ba robetše mokgotheng, gomme ba re, “Allah, allah,” go fihla ge ba hlakanahlogo kudu go fihla ba be ba tšea seripa sa—sa seripa sa tshetla gomme ba e kitimiša go kgabola menwana ya bona—ya bona, ba se tsoge ba ikwela sona.

¹⁰⁸ Ke bone monna ka Zurich, Switzerland, a tšea tšoša gomme a e bea thwi go kgabola maswafo a gagwe, ka mokgwa wo, le go e kitimiša thwi go kgabola. Gomme o bile le ngaka e etla sefaleng, gomme a tšhela meetse go kgabola fao tšoša, a kitimelego ntle go le lengwe. A e khwamotše, gomme ebile a sa tšwe madi. Le a bona? Ba tšea lerumo gomme ba le kgorametša go kgabola seledu sa bona, le godimo go kgabola nko ya bona.

¹⁰⁹ Bjale, bokaonana o tsebe se o bolelago ka sona ge o eya go bolela ka Modimo go monna boka yola. Bokaone o tsebe. Feela saekolotši e ka se šome. O tla go dira o tsebe seo thwi ka pela. O swanetše go tseba se o bolelago ka sona.

¹¹⁰ Eupša elelwang Modimo yo a bego a na le Eliya godimo ga Thaba ya Karamele, O sa le Modimo lehono go no swana. Gomme ke Mmone ka nnete pele ga makgolo a dikete tša batho, a e dira; le a bona, go bona dingakabaloi, ka boati, ba eme fale le go go hlohla, gomme šetša Moya wo Mokgethwa se A se dirago. Le a bona? Le badile dipuku gomme le a tseba; le ditatamente tše di saennwego tša se Modimo a se dirago. O sa le Modimo. O tlamegile go Lentšu la Gagwe. Bjale, ga A tlemega go ditlhologelo tša gago. O tlemegile go Lentšu la Gagwe Mong. Le a bona? Bjale re hwetša fa bahetene ba, ka tsela ye ba tla dirago.

¹¹¹ Bjale Modimo ka go matšatši a a mafelelo o tshepišitše gore O tla bontšha, moloko wo mobe le bootswa, leswao la tsogo ya Gagwe, gore ga se A hwa. O a phela. O boloka Lentšu le lengwe le le lengwe, O le phela thwi ka wena. “Lebakana le lennyane gomme lefase le ka se Mpone gape,” go boletše Jesu, “efela lena le tla Mpona,” le a bona, o bolela le modumedi, “gobane Nna,” Nna ke lešalašala, “Ke tla ba le lena, ebile ka go lena, go fihla bofelong bja lefase, pheletšong.” Gomme mediro, Mokgethwa Johane 14:12, “Yo a dumelago go Nna, mediro ye Ke e dirago o tla e dira le yena.” Mediro ya go swana! “Jesu Kriste wa go swana maabane, lehono, le go ya go ile,” Bahebere 13:8.

¹¹² Bjale kereke e tlide godimo go kgabola bo—bo boati bja mabaka a kereke, morago ga la pele, Lebaka la Kereke ya Efeso, ka Beibeleng. Gomme ge Morena a rata, pele ke tloga mo, ke nyaka go rera ka thuto ye nnyane e bitšwago *Go Bala Go Theoga*, le go bona ka fao re tlilego, ka fao re tšwetšego pele. Bjale elang hloko bjale go le—le Lebaka la Kereke ya Efeso le mabaka ale a kereke, go fihla e ile ka go Lebaka la Leswiswi la mengwaga ye sekete ya leswiswi. Gomme morago Luther, e lego mompshafatši wa mathomo, o tlide ntle ka tokafatšo; mo go tla Wesley, ka tlhwekišo; mo go tla Mapentecostal, ka kolobetšo ya Moya wo Mokgethwa. Kereke kgafetšakgafetša e tsena ka bonnyaneng,

maatla a magolwane. “Ge lenaba le etla ka gare boka lefula, Moya wa Modimo o tla rotoša seemo kgahlanong le lona.”

¹¹³ Gomme bjale re tlogetše lebaka la Pentecostal. Bjale re tla moo boka ka go phiramiti, e sego dithuto tša phiramiti bjale, eupša ke ra boka phiramiti. Letlapahlogo ge le etla go lekanelo, le swanetše go sesefala. Go swanetše go ba bodiredi ka Kerekeng, Kereke ya therešo ya Modimo yo a phelago, moo ge Letlapahlogo le etla, Kriste, goba bodiredi bja Kriste, gomme Kriste o tla lekanelo thwi ka gare mmogo ka phethagalo. Ka gona seo se tliša morago Balopollwa, go tšeela Ntlo yohle ya Modimo Letagong; Methodist, Baptist, le Presbyterian, go kgabola mabaka a magolo a mpshafatšo, ba ba tlidego ntle gomme ba neela maphele a bona ka ditlaišegong le dilo bakeng sa Mmušo wa Modimo. Eupša Letlapa leo le a tla. Ee, mohlomphegi. Ka kgonthe Le tla tla. Modimo o tla Le romela. Le tla lekanelo Moago ohle mmogo godimo ga lona. Le a bona? Bjale re bona maswao a, ge re bona bodiredi go tšwa go Kriste bo thoma go sesefala bjale, go bodiredi bja go felela bja Kriste, ka botlalo bja Moya wo Mokgethwa.

¹¹⁴ Ka fase ga Luther e be e le Moya wo Mokgethwa wo o swanago, tokafatšo; morago tlhwekišo ka fase ga Wesley; melaetsa; morago kolobetšo ya Moya wo Mokgethwa, e dira tše tharo. Tse tharo, e sego dikgato tše tharo tša mogau, eupša ditese tše tharo, nka no e bitša.

¹¹⁵ Elang hloko ka mokgwa wo. Ge lesea le tswalwa, go dilo tše tharo tše di bopago tswalo ya lona. Selo sa pele ka go tswalo ya mehleng... Lena ba bagolo theetšang sekgauswi bjale; bana ba baswa ba ka se tsoge ba e swara. Eupša, a re boneng, selo sa pele ka go tswalo ya mehleng ke meetse, morago madi, morago bophelo. Le a bona?

¹¹⁶ Bjale seo ke selo sa go swana seo se bopago tswalo ye mpsha; meetse, Madi, Moya. Dielemente tše di tšwago mmeleng wa Gagwe ke tše di dirago Mmele wa Gagwe. Le a bona? O tšwa mmeleng wa Gagwe, ke materiale wo o tšeago go—go dira Monyalwa wa Gagwe. Ka gore, Adama o bile le monyalwa wa gagwe a tšerwe go tšwa mmeleng wa gagwe. Kriste o na le Monyalwa wa Gagwe o tšerwe go tšwa mmeleng. Gomme ge Kriste a hwile, go bile dielemente tše tharo tše di tšwilego mmeleng wa Gagwe; meetse, Madi, Moya; tokafatšo ka go dumela, meetse; tlhwekišo ka Madi; kolobetšo ya Moya wo Mokgethwa.

¹¹⁷ Bjale kgato ye kgolo ye ya mafelelo e swanetše go tla ka phethagalang, gore Moya wo Mokgethwa o swanetše go phela ka Kerekeng yela ka go phethagala bjalo, o tla dira Hlogo le Mmele di kopane mmogo. Le a bona? Le a bona? Woo ke Mmele. Yena ke Hlogo ka Mmeleng. Bjale re hwetša gore O tshepišitše, ka matšatšing a a mafelelo, gore seo se tla dirwa. Re a se hwetša.

¹¹⁸ Bjale, Jona. Batho ba bantši, ke boletše, ka Jona, ba rile, “Gabotse, moisa yola e be e le mosedumele.” Aowa, o be a se.

¹¹⁹ O be a swanetše go ya Ninife, yeo ke nnete tlwa, gobane e be e le toropokgolo ye kgolo e tletšego ka sebe. Gomme mohlomongwe seripa sa milione wa batho ka go yona, gomme ba be ba le kudu, gampe kudu. Ba be ba le toropokgolo ye kgolo ya kgwebo. Mošomo wa bona gagolo e be e le go thea dihlapi, ke a kwešiša, gomme kafao ba be ba le. O be a rometšwe tlase kua, eupša o ile a ya ka sekepeng sa go fošagala gomme a ya—a ya Tarasisi.

¹²⁰ Bjale batho ba bantši ba leka go bolela gore o be a sa nyake go dira seo. Ke a dumela yohle e beakantšwe ke Modimo. Ke be ke bala kanegelo ye nnyane, e ka no bea bohlatse go bolela ka nako ye, go lokafatša Jona, go tsena ka go se ke nyakago go se bolela.

¹²¹ Bjale, Jona, ge a tšere sekepe sa go fošagala, selo sa pele le a tseba, o be a eya ka tsela ya go fošagala gomme ba tsena bothateng. Diphefo di thoma go foka, ma—ma maphotho a thoma go rora, gomme yo mongwe le yo mongwe o naganne sekepe se be se eya go nwelela. Kafao Jona o be a robetše too, gomme ba rile, “Tsoga, O morobadi, gomme o bitše Modimo wa gago!”

¹²² Gomme Jona o ipoletše gore o be a le phošong. O rile, “Bjale tlemang maoto a ka le diatla tša ka, gomme le ntahlele ka kua, gomme ka gona ledimo le tla fela.” Gomme ba dirile seo.

Gomme Modimo o bile le hlapi ye kgolo e lokišitšwe.

¹²³ Bjale, ke kwele rasaense fa e se kgale botelele, ka Louisville, Kentucky; moo, ke be ke fela ke dula ka Jeffersonville, feela go kgabaganya. Ba be ba na le foreime ya hlapikgolo e robetše godimo ga—godimo ga koloi ya mpapatla gomme moisa yo o be a fahloša, rasaense yo, le go bolela ka ga ke meno a makae a bilego le ona, gomme, oo, ga ke tsebe. Kafao gona mafelelong o rile, “Le a tseba, ka—ka kanegelo ya Beibele,” o rile, “ye e segó therešo,” o rile, “Beibele . . .”

¹²⁴ Seo e be e no ba bontši kudu go nna, kafao ke nno šuthela kgauswana gannyane. Ke naganne, “Ke ya go bona se a yago go se bolela.”

¹²⁵ O rile, “Kanegelo ya Beibele ya—ya hlapikgolo e metša Jona,” o rile, “ke nyaka lena batho go lebelela. Monna a ka kgona bjang go kgabola mogolo wa gagwe, ge ebile o be o sa kgone le go no lahlela kgwele ya peisipolo go kgabola mogolo wa gagwe?” Kafao o rile, “Yeo ke phošo.”

¹²⁶ Ke be nka se kgone go ema gomme ka dumelela mohlokamodimo yola go bolela dilo tše bjalo ka tše. Ke rile, “Ke kgopela tshwarelo ya gago, mohlomphegi. A o kile wa bala Beibele?”

O rile, “Nnete.”

¹²⁷ “Gabotse,” ke rile, “morago wa dira setatamente boka seo? Modimo ga se nke a re e be e le hlapikgolo. Modimo o rile e be e le ‘hlapi.’”

O rile, “Gabotse, yeo e be e tla ba hlapikgolo.”

¹²⁸ Ke rile, “Ge e le, a e be hlapikgolo. E be e lokišitšwe ka go ikgetha, ka gore Modimo o mo lokišeditše hlapi.” Ye e be e le ya go ikgetha. O be a ka kgona go dira e tee yeo lepokisi lohle la koloi le bego le ka kgona go kitimela ka go yona. Ke Modimo, le a bona, ka fao seo ke therešo. Rena, ga re nyake go dumela seo, dilo tše, goba dikanegele tša Beibebe. Modimo o lokišitše hlapi ye bakeng sa Jona. O be a le hlapi ya go ikgetha, kafao o—o meditše Jona.

¹²⁹ Gomme bjale o be a le tlase ka mpeng ya hlapikgolo. Gomme diatla tša gagwe di bofilwe ka morago ga gagwe, gomme maoto a gagwe a bofilwe. Bjale le ka eleletša seemo se monna yola a bego a le ka go sona. Gomme, tsela efe kapa efe, hl—hl hlapikgolo, goba e be e swana le hlapi efe kapa efe ye nngwe, mohlomongwe, e tsekella go kgabola meetse go fihla e hwetša dijo tša yona, gomme morago e ya tlase botebong bja lewatle.

¹³⁰ Bjale o fepa hlapigauta ya gago ye nnyane gomme o mo hlokomele. O dira mpana ya gagwe ye nnyane e tlale gomme o ya tlase botebong bja lewatle, gomme o bea mafegwana a gagwe a mannyane ntle. Gomme fao o a khutša, le a bona, gobane o—o hweditše dijo tša gagwe.

¹³¹ Gabotse, ge hlapi ye e hweditše moprofeta, gomme e mo meditše, gabotse, gona o swanetše go be a ile tlase ka—ka tlase ga lewatle. Bjale, ga ke tsebe gore o dirile, eupša ke re a—a—a ka no ba a e dirile. Gomme bjale monna yo šo.

¹³² Bjale ka mehla re, go befile kudu, eupša ka mehla re leka go nagana, le go laetša, goba Sathane a re laetša dika tša rena. “Gabotse, le a bona, wena, ga o bokaonana e ka ba bofe go feta o bile maabane. Wena, le a bona, ga o kaonana.” Se lebelele dika.

¹³³ Ge e ka ba mang a ka ba le dika, e ka be e be e le Jona. Le a bona? Le a bona, mogohle a lebeletšego e be e le mpa ya hlapikgolo. Le a bona? Eupša le tseba se a se boletšego? “Ke maaka a mafeela.” Ga se nke a re, “Ke ya go lebelela se.” O rile, “Gatee gape ke tla lebelela tempeleng ye kgethwa ya Gago.”

¹³⁴ Ka gore o tsebile, ge Salomo a rapetše le go gafela tempele yela, o rile, “Ge batho ba Gago ba le bothateng, e ka ba kae, gomme ba lebelela go lefelo le lekgethwa le le go rapela, gona ekwa go tšwa Legodimong.” O bile le boitshepo ka go thapelo ya Salomo, motho, motho wa lefase boka wena le nna, yena ka morago ga lebakana ebile a kgelogilego, basadi ba mo gogetše kgole go tloga go Modimo. Gomme, eupša, thapelo ya gagwe e ile ya kwewa ke Modimo, gomme o kgonne go ba le tumelo ka tlase ga ona maemo.

¹³⁵ Gomme re swanetše go ba le tumelo ye ntši gakaakang, ge re se ra swanela go lebelela tempele e agilwego ke motho; eupša go Legodimo ka Bolona, moo Morwa wa Modimo a dutšego ka seatleng se setona sa Bogoši bja Gagwe, ka Madi a Gagwe Mong, a phela ka mehla go dira dipaelano!

¹³⁶ Gomme ga go le o tee wa ren a nago mohuta woo wa sek a ka mokgwa woo. Re bona batho ba fodišwa ka Bogoneng bja Modimo, nako yohle. Ga ra swanela go lebelela dika; ke maaka a mafeela. Lebelelang go Modimo, yoo ke Yo a dirilego tshepišo.

¹³⁷ Bjale re hwetša gore e ka ba eng e diregilego, golebjalo Modimo o bile le oksitšene go moprefeta, ga ke tsebe. Eupša o—o phetše lebaka la matšatši a mararo le mašego, go ya ka Beibele. Gomme ga ke tsebe gore Tarasisi e be e le bokgole bjo bokae, gomme e be e le bokgole bjo bokae go tloga Ninife, ba be ba le kgole gakaakang ntle ka lewatleng; eupša Jona o dutše a phela, go ya ka Lengwalo, lebaka la matšatši a mararo le mašego. O mmiditše.

O re, “Oo, seo ga se kgonagale.”

¹³⁸ Go reng ka go bitša Latsaro, morago ga go hwa lebaka la matšatši a mane? Le a bona? Gomme O tla re bitša letšatši le lengwe, le ge re hwile mengwaga ye dikete tše lesome. Ga e dire phapano ye e itšego, le a bona, e tla swana. Le a bona, Yena ke Modimo.

¹³⁹ Bjale re a mo hwetša bjale, gomme šo o tla godimo Ninife. Hlapikgolo e tla thwi go kgabola meetse, go swana le go mo tšeakgopu. Go nalema thekisi botlase bja lewatle, a etla thwi godimo Ninife, gomme go swanetše go bile e ka ba ka sekgalela.

¹⁴⁰ Gabotse, bjale, batho bale e be e le batheadihlapi. Gomme ba be ba le ntle ba goga malokwa a bona, le go ya pele, batheadihlapi ba bona ba kgwebo. Gomme ba be ba le bahetene. Ba be ba rapela medimo ya diswantšho. Gomme yo motee wa medimo ya bona . . .

¹⁴¹ Go swana le Maindia ba be ba fela ba eba le mo ka Amerika, bera ya tshitshiboya e be e le modimo, Ovegus, e bego o be a le modimo a rapelwa ke Maindia a bahetene pele ba tlišwa ka go Bokriste. Ba bile le modimo, modimo wa maatla.

¹⁴² Gomme, ka Ninife, ke a botšwa gore hlapikgolo e be e le modimo wa lewatle, ka baka la gore ke mong wa lewatle. A ka kgona go metša e ka ba eng. Gomme e ka ba ka nako ya sekgalela, mo go tla modimo wa bona, godimo go tšwa lewatleng; o nno bula molomo wa gagwe, gomme moprefeta o sepelela thwi ntle lešing. Ga go makatše ba dumetše, le a bona. Le a bona? Bona, ka kgonthe ba dumetše, gobane moprefeta, yo a bego a efa molaetša, o tšwa molomong wa modimo wa bona, “Sokologang goba toropokgolo ye e ya go senyega.” Le a bona?

¹⁴³ Kafao o be a se ka ntle ga thato ya Morena. O be a dira feela, bjalo ka, "Modimo o dira se sengwe le se sengwe go šomela mmogo go iša go tše botse go ba ba ratago Modimo," yeo ke nnete, "gomme ba biditšwe go ya ka morero wa Gagwe." Jesu o boletše ka yena.

¹⁴⁴ Ka gona yo motee gape pele re tswalela bakeng sa mothalo wa thapelo. O boletše ka Salomo le gape.

¹⁴⁵ Bjale, ge Modimo a romela mpho lefaseng, gomme batho ba e hlompha, ka mehla ke lebaka la gauta go batho bao. Eupša ge ba e gana, ka mehla ke tlhakatlhakano go batho bale. O—O dira seo, lebaka le lengwe le le lengwe. E nong go lebelela. Lebelelang ge ba ganne Jesu, gomme ge ba ganne baprofeta, le go ya pele, se e bego e le sona.

¹⁴⁶ Eupša ka go nako ya Salomo, ba dumetše, bohole ba bona. Salomo o bile le mpho ya tlhatho. Modimo o e file Salomo. E... Gomme batho ba e dumetše, bohole ka mmtero o tee. Ba be ba—ba be ba bitšwa mi—mi mileniamo, go nyakile, bakeng sa moloko wa Bahebere ka nako yeo. E be e le lebaka la gauta, lebaka la Salomo. Go se dintwa goba selo; O e atlie. Ba agile tempele le dilo tšohle tše kgolo tše tše ba di dirilego go kgabola lebaka la Salomo, ka gobane o be a le sekai, Morwa wa Dafida, le a bona, Morwa wa Dafida ka nama. Bjale, re hwetša gore mo nakong ye, ge ba agile tempele le se sengwe le se sengwe, yo mongwe le yo mongwe o hlomphile mpho yela yeo Modimo a ba filego, gomme ebile o mo dirile kgoši ya bona. Gomme tumo e ile mogohle.

¹⁴⁷ Ke a le botša, Maamerika, ge feela re ka hlompha mpho yeo Modimo a re rometšego, Moya wo Mokgethwa, re be re ka se swanele go tshwenyega ka diphatšamaru tša Russia le dipomo tša athomo, le dilo. Gabotse, yeo ke tshireletšo ya ren—a ren, ke Kriste. Le a bona? Yena ke tshireletšo ya ren.

¹⁴⁸ Eupša bothata bja yona ke, O re romela dimpho gomme re e sega go kwera, feela boka ba dirile. Ke ka baka leo re tlementšwego kahlolo. Re swanetše... e swanetše go ratha. Ke, feela, Modimo ga a hlomphe motho. Ge Modimo a ka dumelela lefase le go feta, New York ye, Amerika ye, lefase le, go feta ka se e se dirilego bjale, ntle le go tliša kahlolo godimo ga yona, O tla tlengwa ke mošomo, bjalo ka Modimo wa toka, go tsoša Sodoma le Gomora le go kgopela tshwarelo go ba tšhumeng, gobane O ba tšhumetše sona selo sa go swana seo re se dirago gonabjale. Le a bona? Le a bona? Kafao O tshepišitše go tla ba ka tsela ye.

¹⁴⁹ Bjale re hweditše bjale, gore mo matšatšing a Salomo, a le ka eleletša, yo mongwe le yo mongwe a bolela ka Modimo, "Oo, maatla a Salomo a magolo a go hlatha!" Yeo e be e le mpho ye e bego e kgona go hlatha, gomme yo mongwe le yo mongwe o be a ikgantšha ka yona. Go be go se ne tlhakatlhakano, ba re, "Aa, aowa, aowa!" Bohle ba bona ba e dumetše. Gomme tumo ya phatlalala ka go ditšhaba tše dingwe le tše dingwe. Gomme

ditšhaba di tšhoga Israele, eupša e sego ka gobane ba bile le sešole se sekaone, eupša ka gobane Modimo o be a le magareng ga bona. Seo ke se se tlišago poifo, Modimo. Modimo o be a le magareng ga bona.

¹⁵⁰ Oo, ka fao e swanetšego go ba le rena, go bolela setšhaba sa Bokriste! Ke mo go be kudu gore dikerekemaina le dilo di re phetlile ka leemong le le bjalo, bjalo ka ge ka moka re le ka ntle ga sebopego lehono, gomme ga go motho a tsebago le gannyane a dumele eng.

¹⁵¹ Gomme, šetšang, gona tumo ya Salomo e ile gohlegohle go theogela ka Seba. Kgošigadi o e kwele. O be a le mohetene. Gomme ye nngwe le ye nngwe, tsela e nnoši ba bilego le yona nako yeo... Ba be ba se ne thelebišene le dilo tše re nago natšo lehono, goba bobegaditaba. Tsela e nnoši ba bego ba swanetše go romela melaetsa e be e le molomo go tsebe. Gomme nako ye nngwe le ye nngwe kharabane e be e etla ka gare, ntle le go kamaka kgošigadi ye nnyane e be e tla ya ntle le go re, "A o fetile go kgabola Palestina ge o be o etla tlase?"

"Ee."

"A go bjalo, se ba se bolelago?"

¹⁵² "Oo, o swanetše go e bona! Ga go selo boka yona! Batho bale ba ne tsošeletšo godimo fale. Le... Ke taba ya setšhaba ka bophara. Oo, ba na le tsošeletšo ya go makatša. Gomme Modimo wa bona o tloditše kgoši ya bona, gomme o ne mpho ya tlhatho. Gomme ga se nke wa ke wa bona e ka ba eng boka yona. Ga go selo se ka kgonago go fetiša bohlale bjola. A ka kgonago go bolela eng kapa eng. Bo-bo ka godimo ga bohlale bja motho. Ke tlhatho go tšwa go Modimo." Gomme bohle, gabaneng, ba kwele.

¹⁵³ Le a tseba, "Tumelo e tla ka go kwa, go kwa Lentšu la Modimo." E sego go kwa gore re Mamethodist, Mabaptist, goba Mapentecostal; eupša go kweng Lentšu la Modimo, le a bona. "Tumelo e tla ka go kwa."

¹⁵⁴ Gomme ge bona, o tla kwa, a swerwe ke tlala. Gabotse, bjale, o tšere sephetho, morago ga ge a kwele sohle se, pele a ka bolela e ka ba eng ka yona, gore o be a tla ya go mmona yenamong pele a fetiša ditshwayo tša gagwe. Oo, a seo se ka se be gabotse ge bohle re ka dira seo? Le a bona? Le ge go se pelaelo gore o be a swere disekorolo tše ntši, Beibele, tša baprofeta, tša se ba se profetilego, go bona tlhago ya Modimo wa bona Jehofa.

¹⁵⁵ Bjale kgošigadi ye nnyane ye e bile le dilo tše ntši go mo lebanya pele a eya godimo kua. Selo sa pele, go beng mohetene, o tla swanelo go ya go moprista wa gagwe, go kgopela tumelelo, gobane o be a le kgošigadi le moleloko wa kereke. Kafao ke kgonago go mo eleletša a eya godimo go moprista, le go re, "Tate, a nka kgonago go ya godimo Israele go hwetša bohlale tsoko go tšwa go monna yo mogolo yo, Salomo, yo Modimo wa bona a beilego bohlale godimo ga gagwe?"

¹⁵⁶ Ke kgona go mo kwa a re, “Ngwana wa ka, ke be nka se tsoge ka nagana se sebjalo go tšwa go wena. Kerekeleina ya ren a ga e dirišane ka go tsošeletšo yela.” Eupša le tseba ka fao e tla bago lehono. Ke e dira bjale go tloga go makgethe go ya go nyefolo, ka nnete. Eupša bjale e tla ba moy a wa go swana lehono o tla bolelago seo. Le a bona, moy a wa go swana o tla tliša, wa e fa ka tsela yeo. Ka gona o . . . “Ga wa swanela go dira seo, o a bona. Gobane, morago ga tšohle, batho bao ba . . . Ke mahlanya. Ba dumela go mehuta yohle ya maswao le dilo. Eupša, gabotse, o a bona, yo mongwe le yo mongwe o a tseba gore ke bona sehlopha sa mahlanya. Go swana le mawatle a oma, le ka moka mehuta ye ya dilo ba bilego natšo, ga go le setee sa yona e lego therešo. O a bona, e no ba nonwane ye e boletšwego, goba pina ye e opetšwego, goba se sengwe. Gomme ga go selo go yeo.”

¹⁵⁷ Eupša, o a tseba, ge tumelo ya kgonth e ratha ka pelong, ba thoma go swarwa ke tlala. Ba nyaka go bona.

¹⁵⁸ Ga go motho yo a phelago eupša yo a ratago go lebelela go feta nako, garetene. “Ke tšwa kae? Ke nna mang? Gomme ke ya kae?” Go dipuku tšohle tše kaone tseo di badilwego, ditlhaolokgolo tša makgone tseo di dirilwego, go ne Puku e tee feela yeo e utollago se o lego, moo o tšwago gona, le moo o yago. Yeo ke yona. Yeo ke yona. Gomme gape E re dumelela go lebelela go feta garetene, go e bona.

¹⁵⁹ Bjale ge ba bone se se direga, o kwele ka ga se, morago o rile, “Ke ya go sepela golebjalo.” Kafao ga go kgathale se pišopo a se bolelago, goba e ka ba eng e bilego, o ya go sepela golebjalo, o ikemišeditše, gobane o nyaka go bona se sengwe sa kgonth, se sengwe.

¹⁶⁰ Gabotse, nako yeo moprista a ka no ba a rile go yena, a rile, “Bjale lebelela, morwedi, o kgošigadi, ga wa swanela go hlakana le batho ba ba bjalo ka bao.”

“Go sa kgathale, ke nna motho yo a swanetšego go hwa, le nna.”

¹⁶¹ “Gabotse, bjale, ge go ka be go le e ka ba eng boka yeo e eya pele, e tla ba thwi fa ka kerekeng ya ren a.” Nnete, moy a wola ga se wa hwa le ona, le a bona. “O, o swanetše go tla ka ya ren a, goba ga se wa loka.”

¹⁶² Gabotse, a ka no ba a rile, “Ke bile fa ge e sa le ke be ke le mosetsana yo monnyane, ke gafetšwe. Ke bone diswantšho tšohle tše le dihlwadieme, le go ya pele, gomme le boletše ka tšona go beng medimo. Makgolo wa ka o be a le mo, le makgolokhukhu wa ka, le makgolokhukhu-khuku-khukhu wa ka. Gomme ga go le yo motee wa bona yo a laeditšego eng kapa eng, leswao le le itšego la bophelo. Ba bolela gore Bjoo ke ‘Bophelo.’”

¹⁶³ Go swanetše go ba batho ba bangwe gape ka mohuta woo wa kgopol o ya go swana le ye kgošigadi a bilego nayo, thwi fa ka New York le golegohle lefaseng.

¹⁶⁴ “Ke nyaka go e bona, nnamong. Gomme ga ke bone medingwana yela. Ke a kwa le bala mehuta yohle ya dipuku, le dipuku tša thapelo, le go ya pele, eupša ke eng? Ga se ka ke ka tsoge ka bona mosepelo wa e ka ba eng ye e phelago. E hwile yohle, thutamodimo tsoko goba se sengwe. Pelo ya ka e swerwe ke tlala go bona. Modimo o kae? O kae Yena?”

¹⁶⁵ Oo, a nke lefase le swarwe ke tlala bakeng sa seo! O kae Yena? Ge A kile a ba Modimo, O swanetše go be a sa le Modimo. Ge A se a dira, O hwile. Le a bona? “O a swana,” Beibele e boletše, “maabane, lehono, le go ya go ile.”

¹⁶⁶ Bjale elang hloko, pelo ya gagwe e thoma go swarwa ke tlala bjale, kafao o bile le kgopolo ye botse. O rile, “Ke ya go tšea tšelete ye nnyane, le seorelo le dilo, mira. Gomme ge selo seo e le sa maleba, ke ya go se thekga. Ge se se sa maleba, ke tla se tlogela se mnoši.”

¹⁶⁷ O be a ka kgona ka nnete go ruta Mapentecostal! O thekga se sengwe seo se go bitšago mopshikologimokgethwa le se sengwe le se sengwe gape, le a bona, gomme o sa se thekga. Le a bona? Oo, nna! Gomme mpho ya bohlale e swanetše go ba ka kerekeng. Bjale hlokamelang. Seo ke sa badiša go bolela. Bjale hlokamelang.

¹⁶⁸ Ka gona o bolela se, “Ke tla tšea dimpho tša ka le nna. Gomme ge e se therešo, nka kgona go gomiša dimpho tša ka.” Seo ke se sebotse. Bjale mohumagadi yo monnyane o loketše go tloga. O tšere balaki ba se bakae, tšelete ye yohle, le methepana ya gagwe.

¹⁶⁹ Bjale e nong go nagana bokgole bjo a bego a swanetše go bo sepela, go hwetsa ge eba se e be e le therešo goba aowa. Le a bona? E ele godimo ga mmepe wa gago, go tloga Palestina go theoga go ya Seba. Ke matšatši a masomesenyane tlwa, dikgwedi tše tharo ka mokokotlong wa kamela. Ga se a ke... O be a na le bothata. O be a sa kgone go tla ka Cadillac ya sefehlamoya go swana le ka fao re dirago. Eupša, yena, o tlie tsela yohle go tšwa karolong ya kgolekgole ya tlhabologo, lefase ka nako yeo, go kwa bohlale bja Salomo.

¹⁷⁰ Gomme batho ba phela go kgabola mokgotha gomme ba ka se tle go kwa se sengwe seo e lego se segolwane. Ga go makatše Jesu o rile “o tla tsoga ka matšatšing a mafelelo gomme a ahlol a moloko wo”!

¹⁷¹ O bile le mathata ka tseleng. Elelwang, barwa ba Ishmaele, bona banamedi ba ba melokoloko ntle kua e be e le bahlakodi ka leganateng. Go be go tla ba bonolo bjang go sehlopha se segolo sa Baishmaele bale go wela godimo ga kgošigadi ye nnyane yela le go bolaya seripa sa tasene ya balata, le go tšea matlotlo ohle a bona.

¹⁷² Eupša go na le ka mokgwa wo mongwe goba wo mongwe, gore ge pelo e eya go swarelwa ke tlala ka morago ga Modimo,

mathata ga a lebege bjalo ka eng kapa eng. O na le monagano wa gago o beilwe, ga go kgathale se e ka ba mang a go bitšago. Ba ka kgona go go bitša eng kapa eng ba nyakago, ba ka kgona go bolela eng kapa eng ba nyakago go e bolela, ba ka leka go bea kotanatšhičo ye nngwe le ye nngwe tseleng ya gago; eupša ge o nyoretšwe Modimo, o ya go O hwetša felotsoko. Seo ke ka moka, le a bona. Ga se gona se yago go go thibela. Monnamogatša ga a ye go go thibela. Mosadimogatša ga a ye go go thibela. Kereke ga e ye go go thibela. Modiša ga a ye go go thibela. Ga go selo se ka kgonago go thibela mokgethwa kgole le Modimo wa gagwe, ge ka nnete a nyaka go Le bona. Aowa.

Ebile ga se nke a nagana ka yona.

¹⁷³ Ga o nagane le wena, se *yo* a yago go se bolela, le se mme a yago go se bolela, le papa a yago go se bolela, goba monnamogatša a yago go se bolela. Ge o etla go hwetša Jesu Kriste go ba kgonthe, gomme o kwa gore O a phela, ga se gona se yago go go thibela. Ge tlala yela, Peu yela yeo e kgethetšwegopele pele ga motheo wa lefase, ge Seetša se ratha Yeo, E tla Bophelong ka pela bjalo.

¹⁷⁴ Mosadi yo monnyane yo e be e le mohuta woo wa Peu, go le bjalo e le moneneri, mohetene.

¹⁷⁵ Bjale, bjale elelwang, go molaleng o be a swanetše go sepela bošego, go be go fiša kudu ka Leganateng lela la Sahara. Gomme—gomme o be a sepela bošego. Mohlomongwe a bala disekorolo: “Bjale, re tla hwetša se moprofeta a se boletšego fa ka ga se Modimo a bilego, ‘Moutolli wa diphiri tša pelo. Gomme ge go na le yo mongwe magareng ga lena, wa semoya goba moprofeta, Nna Morena ke tla itsebiša Nnamong go yena, ka bolela le yena ka dipono. Gomme se a se bolelago se phethega, mo kweng.’ Ke tla hwetša ge ke fihla fale. Seo ke se Modimo a lego. Ke tla hwetša.”

¹⁷⁶ Elang hloko bjale, ka morago ga lebakana mafelelong a fihla tsošeletšong ye e bego e eya. E be e le tsošeletšo. Kafao, o fihlile. Bjale ga se a tla go no re, “Ke tla ya ka gare le go dula fase metsotso e se mekae. Gomme ge ke mo kwa a bolela lentšu le tee leo thutotumelo ya ka e sa dumelelanego le lona, ke ya godimo!” Aowa, o ya go ba ka Kahlolong, go ahlola mohuta woo, le a bona. O tlide go dula go fihla a kgodišegile ka go tsenelela.

¹⁷⁷ Ge re ka no dira seo, go no ba le tlhomphokgolo le go dula go iketla, le go re bjale, “Se ke se sengwe seo se ka lebegago boka se ka ba nnete. Ga ke tsebe. Ga ke ye go swaswalatša. Ke no ya go dula go iketla, gomme ke ya go bogela. Gomme ka gona ke ya go e bapetša le Lengwalo le go bona ge eba ke nnete.” O kolota yeo go wenamong.

¹⁷⁸ Bjale, o tšwa dikarolong tša kgolekgole tša lefase. O ile ntile ka go ka kgonagalo dikgao tša tempele, gomme o beile ditente

tša gagwe le eng gape. Gomme mohlomongwe...Bjale ke ya go diragatša ye bakeng sa magagešo a baswa, le go ya pele.

¹⁷⁹ Mohlomongwe mosong woo, ge kereke e butšwe, phalafala e a galagala, baprista ba be ba letša diphalafala le mmimo o bapetšwe, le go ya pele. Gomme bohle ba—ba bana ba thoma go kgobokana ka gare, gomme mohlomongwe o hweditše setulo sa gagwe moragorago ka morago. Ka mehla yeo ke tsela ye e diregago. Gomme o ile moragorago ka morago. Gabotse, o šeditše ge modiša Salomo a tlide ntle. Gomme o...Ba mo tsebišitše gomme a bolela le batho gomme a bala Mangwalo, gomme ba rapela. Gomme ka gona taba ya pele ya tla godimo. Bjale o tla re, "Ke tla no bona ka fao go lego tlhatho ye."

¹⁸⁰ Gomme ge a bone tlhatho yela, ke a thanka kopano ya go latela o sepeletše ditulo di se kae pele. Mohlomongwe o... Gomme seo, se, ge re... Ge se kwagala go nyefola, ntshwareleng. Mohlomongwe karata ya gagwe ya thapelo e be e se ya bitšwa feela mantšiboa a mangwe, le a bona, o ile a swanela go leta lebakana le lennyane. Ke leka go tliša se sengwe go batho, le a kwešiša, le a bona. Gomme mohlomongwe e be e se seo, eupša, go le bjalo, mafelelong o šeditše taba ka morago ga taba, gomme o ile a kgodišega.

¹⁸¹ Eupša letang go fihla e direga go yena. Seo ke sona a se nyakago. Gomme Beibele e boletše gore, "Ge a tlišitše ka bogoneng bja Salomo, gore go be go se e ka ba eng, potšišo e ka ba efe ka monaganong wa gagwe, eupša ye Salomo a e dirilego go tsebjia." Modimo o utolotše go yena, a utolla go Salomo, dilo tšohle tše a bego a di hloka ka bophelong bja gagwe. Gomme ge a dirile se, se diregile go yena nako yeo. Gomme o emeletše, gomme o rile, "Bohle ke ba kwelego ba be ba rereša, le bontši go feta se." O rile, "Gomme ba lehlogenolo ke banna bao ba dutšego fa tšatši ka tšatši gomme ba bona mpho yela ye kgolo e šoma, leswao lela le legolo. Ba lehlogenolo ke banna ba ba nago le wena fa le go bona dilo tše tšatši ka tšatši." O ile a amogela Modimo. O ile a bona selo se sengwe sa nnete. Pelo ya gagwe e ile ya bewa go bobola. O hweditše se sengwe seo e bego e le sa mmapale, se sengwe seo e bego e se thutotumelo ye e hwilego, se sengwe seo e bego e se modingwana. E be e le Modimo yo a phelago.

¹⁸² Bjale, ga go makatše Jesu o boletše gore, "Kgošigadi ya Borwa e tla tsoga ka Kahlolong, le moloko wo, le go o ahlola; ka gore o tlide go tšwa dikarolong tša kgolekgole tša lefase, go kwa bohlale bja Salomo, gomme, bonang, yo moglwane go feta Salomo o fa." Gomme ebile le ka matsatsing a Morena Jesu, Imanuele, Modimo a dirilwe nama, "Modimo o be a le ka go Kriste, a boelanya lefase go Yenamong," O be a le Lentšu le le phelago. Gomme ka letšatšing leo, le go ba botša ba ba swaswaladitše bodiredi bja Gagwe bja mohuta woo, gore O tla ba lebalela. O boletše gore, "Ge Moya wo Mokgethwa o tlide..."

¹⁸³ Le na le mengwaga ye dikete tše pedi bontši thuto go Beibele go feta ba bile fale, mengwaga ye dikete tše pedi gape yeo Moya wo Mokgethwa o bego o sepela lefaseng. Bjale, ge eba a ahlo la moloko wola, o tla dira eng ka moloko wo? Yo mogolwane go feta Salomo o fa! Mohumagadi yo monnyane o bone se sengwe sa kgonthé.

¹⁸⁴ Ke boletše selo se sennyane se pele, eupša ke a dumela se a rwala go bolela thwi bjale pele ke bitša mothalo wa thapelo. Ke rata go tsoma. Ke—ke... E no ba tlhago ya bobedi go nna. Ke—ke a e rata. Tshokologo ya ka ga se nke ya tšeа yeo go tloga go nna, gobane ke rata go tsena ka lešokeng. Ke be ke fela ke tsoma godimo Leboa mo, gomme ke fela ke tsoma mo ka Adirondack, mengwaga ya go feta. Gomme ke be ke eya ntłe kua gomme ka ya godimo ntlhoreng ya dithaba, ke bogetše letšatši le hlaba le go dikela, le go lla, le go dula ntłe kua lebaka la dibeke, le go kwa Modimo a bolela ka tlhago. Fao ke mo A...

¹⁸⁵ Beibele ya ka ya mathomo e be e le tlhago. Go bona ka fao peu ye nnyane e ka welago ka mobung, gomme ya gatsela go teba *fao*, gomme peu ya phatloga go bulega, modula o gopa, gomme leswao le lengwe le le lengwe le ile le o kgonago go le bona, eupša seruthwana sa go latela le phela gape. Le a bona? Modimo o e diretše tsela. “O diretše peu tsela go phela gape,” ke rile, “go na le tsela ye nngwe go nna go phela gape.” Yeo ke nnete. Kafao yeo e bile Beibele ya ka ya mathomo.

¹⁸⁶ Ke be ke fela ke tsoma le Moyankee yo monnyane godimo fa, yoo e be e le motsomi yo mokaone, eupša o be a le sehlogo kudu ka pelong. Gomme o be a le—o be a le monna wa go loka, ke a thankä. Yena, moisa yo mobose go tsoma le yena ga se wa tsoge wa swanela go tshwenyega go mo tsoma, o tsebile mo a bego a le gona. Gomme re tsomile, eupša ka kgonthé o be a le sehlogo ka pelong ya gagwe. Gomme ke rile go yena, makga a mantši, ke rile, “Gobaneng o le sehlogo bjalo?”

¹⁸⁷ Gomme mo—mo moisa, a sa dire metlae ka yena, goba e ka ba eng, eupša o be a ne mohuta wa mahlo a go lebega boka mokgaritswane. Gomme o—gomme o be a tla ntebelela, a re, “Oo, eya pele, moreri! Etla kgauswi le wenamong, Billy! O ka se tsoge wa dira motsomi le moreri, gape.” O rile, “O a tseba, o pelo ya kgogo kudu.” Gomme o be a fela a bolaya mabotlana go no ntira ke ikwele gampe.

¹⁸⁸ Baisa ba bannyane, ke hloya go ba bolaya. Kafao o rile... Go lokile ge molao o re bolaya lebotlana, seo se lokile, eupša e no se ba bolaye bakeng sa papadi. Abraham o bolaile namane, gomme Modimo a e ja. Gomme yeo ke nnete, le a bona, kafao ga se bogolo bja phoofolo. Eupša e sego selo eupša go no e bolaya, go ba swele, yeo ke polao, go nna. Ke nagana moisa yola yo monnyane o swanetše go phela. Ge o e hloka, gabotse, ge molao o re o ka kgona go e tšeа, gabotse, go lokile. Le a tseba, ke bile moofisiri

wa go boloka tlhago mengwaga ye šupa, kafao gona go bile le . . .
Yeo ke ge ke be ke direla kereke ya Baptist.

¹⁸⁹ Kafao gona ge moisa yo, o be a le sehlogo ka yona, ngwaga wo mongwe ke ile godimo fale, gomme o be a itiretše na—na nakana ye nnyane.

¹⁹⁰ Bjale ga ke fošetše seo go batho ba Baptist, le a bona. Aowa, le a bona, ga se ke re seo ka tsela yeo. Ke be . . . Ke be ke se ntle tšhemong. Bjale, ke be ke nyaka go šoma. Ka mehla ke be ke šoma go fihla feela ge ke be ke swanetše go ya pele mošomong wo wa boebangedi, gomme efela ga se nke ka ke ka tšea moneelo bophelong bja ka, le a bona. Yeo ke nnete. Le a bona? Eupša ga—ga se nke ka kgopela motho peni. Ke—ke nyaka bophelo bja ka go tla tlase go nako moo ke swanetšego go bolela se sengwe ka pela gabotse, boka Samuele a eme, o rile, “A nkile ka ke ka le botša e ka ba eng ka Leina la Morena eupša se se diregilego? A nkile ka tšea tšelete go tšwa go lena, boiphedišo bja lena?” Le a bona, yeo ke nnete. Ba rile, “Aowa, ga se o dire.” Eupša ba nyakile kgoši ya bona go le bjalo, kafao—kafao yeo ka kgonagalo ke tsela ye e tla retologago, kafao ka mehla e a dira.

¹⁹¹ Eupša moisa yo, ke mo ratile, gomme lehlabula le lengwe ke ile godimo fale. Gomme o be a hlamile nakana ye nnyane yeo a ka go e letša, go no swana le lebotlana le lennyane, leo ke tshepe ye nnyane ya lesea e llela mmago yona. Kafao bjale o rile, “Hei, ke nyaka go go bontšha se sengwe, Billy.” Gomme o be a na le nakana ye nnyane yeo a bego a tla e letša.

Ke rile, “Wena, o ka se dire seo.”

¹⁹² Gomme o rile, “Oo, ke wena yoo. O ka se tsoge wa ya ka godimo ga yona, a o tla?”

Gomme ke rile, “Aowa, mohlomphegi. E sego go ba ka mokgwaa woo.”

¹⁹³ Kafao re—re ile go tsoma, gomme go be go le thari mo sehleng. Ke ile ka swanela go tla godimo . . . Gomme lena bohle, batsomi ka fa, le tseba tšona ditshepe tše nnyane tša mosela wo mošweu fale. Houdini ga se rabokgabo wa go phonyokga le gatee, go tšona, bjalo ge di thoma go tshoga. Gomme kafao di be di thuntšwe. Gomme go be go le dikgepetla tše nnyane tša lehlwa di be di le mobung, tše nnyane . . . se re se bitšago diskifi tše nnyane, tlase ka Borwa, e ka ba diintšhi tše nne goba tše tlhano, tše botse go lekanela go lota mohlala. Gomme re ile e ka ba seripa sa letšatši, gomme ke naganne gore . . .

¹⁹⁴ Re rwelé le—le lebotlelo le lennyane la flaseke le tletše ka tšhokolete ya go fiša, ye e go fago maatla, le sangwetše. Gomme ka mehla re dula fase. Gomme ge re eya godimo nthoreng ya dithaba, gona a tshelela legageng le lengwe, gomme ke tla ya tlase go e lengwe; go tleng morago, go tsena ka kampeng nako ye nngwe bošegong bjoo. Kafao ke naganne . . . E be e ka ba ka iri ya lesometee, goba se sengwe, gomme ke naganne o tla no dula fase

go leši le lennyane la lehlwa fale, lefelo le lennyane, le bulegile e ka ba bogolo bja gabedi bja kamora ye. Gomme o dutše fase fale. Ke naganne re be re eya go ja dijo tša rena tša mosegare, gomme ke thomile go ntšha dijo tša ka tša mosegare.

¹⁹⁵ Gomme o gogetše nakana ye nnyane ye ntle, gomme o be a eya go letša nakana yela ye nnyane. Gomme ditshepe di tshoga kudu ka mokgwa woo, di tla phela ka tlase ga mekgobo ya matlakala le se sengwe le se sengwe, ge sehla sa go tsoma se eya pele. Di swanetše, go phonyokga. Gomme o—o leditše nakana ye nnyane ye. Gomme ge a dirile, feela go kgabaganya go molalana wo monnyane, tshepetshadi ye kgolo e emeletše. Bjale, tshepetshadi ke tshepe ya mme, gomme e eme godimo. Gomme ke mo lebeletše. O be a le yo mobotse, gomme fale ditsebe tšela tše kgolo le mahlo a magolo a matsothwa. Gomme—gomme o be a nyaka lesea lela.

¹⁹⁶ Gomme o lebeletše godimo go nna, ka mokgwa *wola*. Ke naganne, “O ka se dire seo, Bert, ka kgontho o ka se ke.” Kafao o hlahletše legapi godimo ka go raborolo ya gagwe. Gomme o be a ne maleba.

¹⁹⁷ Gomme ke mmone, o e leditše gape. Gomme mme tshepe o sepeletše thwi ntle ka molalaneng wola, ka iri ya lesometee mo mosegareng. Bjale, seo ga se se tlwaelege. Ba ka se dire seo, aowa, gagolo ka go sehla sa go tsoma, nako yeo ya letšatši, go le bjalo. O sepeletše ntle kua. Gobaneng? O—o be a le mme. Tlhago ya gagwe e be e le mme. O be a le mme ka pelong ya gagwe, gomme lesea la gagwe le be le le bothateng. Gomme o be a mmitsa, gomme o be a nyaka lesea.

¹⁹⁸ Ke naganne, “Ka kgontho ga o sehlogo go lekanelo go bolaya mme yola a nyakago lesea la gagwe!” O lebeletše godimo go nna, ka mokgwa *wola*, le mahlo a mokgaditswane. Gomme o—o tšere sethunya selo le go lekanyetša fase. Ke naganne, “Oo, nna, ka kgontho a ka se dire seo.” Gomme mme yola wa mogale a sepelela ntle fale, a eme fale!

¹⁹⁹ Gomme ge po—po pouto e ile tlase godimo ga sethunya, go tswalelela legapi ka sekwakweng; ge pouto e ile tlase, tshepe e kwele pouto, gomme ya retologa gomme ya bona motsomi. O be a tsogile ka mokgwa *wo* go mo thunya, gomme, nna, moriri wola wa sekoupo thwi go kgabaganya pelo ya gagwe ya go botega! Ke naganne, “Kolo yela ye kgolo ya masometharo le tshela, kolo ya leroro le lekgolo le masomeseswai, e tla šwalalanya pelo ya gagwe thwi go tšwa go yena.” Ke naganne, “O ka kgona bjang go dira seo? Mme a lebeletše bakeng sa . . . Gomme a mo fora, a bitša boka ke lesea la gagwe. Gomme wa mo iša ntle fale gomme morago wa mo thunya, gomme pelo ya go botega e rethetha ka mokgwa *wola*, o ka kgona bjang go e dira? Eng, o ka ba sehlogo bjang?” Gomme ke mmone a lekanyetša fase. Gomme tshepe, go na le gore e tšhabe go swana le ka fao e bego e ka dira ka tlwaelo,

o be a no ema go iketla. O be a sa boife go hwa. Lesea la gagwe le be le le bothateng.

²⁰⁰ Bjale, lebelelang, o be a sa itiriše seo. O be a sa no dira. E be e le lehu. Le a bona? Eupša o be a sa kgone go e thuša, o be a le mme. Yeo e be e le tlhago ya gagwe, mme; le lesea la gagwe, o be a le lebeletše. Le be le lla, gomme o be a nyaka lesea la gagwe.

²⁰¹ Ke nno se kgone go šetša tiro e direga. Ke retolotše hlogo ya ka. Ke thomile go rapela. Ke rile, “Morena Jesu, o se mo dumelele go e dira. O se mo dumelele go e dira. A ka kgona bjang go e dira? Mme yola wa go šokiša a emego fale, gomme o ya go swalalanya pelo ya gagwe go tšwa go yena.” Gabotse, ke letile, gomme sethunya ga se sa tsoge sa thunywa.

²⁰² Gomme ka retologa go lebelela, gomme molongwana o be o eya ka mokgwa *wo*. Ga se a kgona go se swara gape. Gomme o retologile go dikologa, a ntebelela, gomme go tšwa go mahlo ale a go šekame gwa tšwelela dikeledi tše kgolo kudu di theoga marameng a gagwe. O ile a swara sethunya gomme a se fošetša godimo ga mobu. Gomme a ntshwara ka leoto la borokgo, godimo ga moela wola wa lehlwa; o rile, “Billy, ke kgotleletše go lekane. Ke kgotleletše go lekane. Ntlhahlele go Jesu yola o bolelago ka yena.”

²⁰³ Molato e be e le eng? O bone se sengwe sa nnete. O bone se sengwe seo se bego se se sa maitirišo. Oo, ge re ka no ba Mokriste yoo tshepe yela e bego e le mme. Le a bona?

²⁰⁴ Efela Jesu o rile, “A mme a ka kgona go lebala lesea la gagwe la go anywa? Ee, a ka kgona. Eupša. Nka se tsoge ka le lebala. Maina a lena a tlokilwe ka diatleng tša Ka.”

A re inamišeng dihlogo tša rena, nakwana feela.

²⁰⁵ Ke ba bakae ba ba lego ka Bogoneng bjo Bokgethwa ka nako ye, ge re potlaka, ka pela ba tla rego, “Modimo, ke a Go rapela bjale go ntira Mokriste yo mobotse bjalo ka ge tshepe yela e be e le mme, gore ke hloke poifo. Ke tla... Ke a rata, ke nyaka go Go rata ka tsela ye tshepe e bego e rata, mme o be a rata lebotlana la gagwe”? Phagamiša seatla sa gago, e re... Modimo a go šegofatše. Modimo a go šegofatše. E ba mohuta woo wa lerato.

²⁰⁶ Tate wa rena wa Magodimong, go na le bao ba dutšego mo, ba bantši, ee, makgolo ba phagamišitše seatla sa bona, gore ba rata go ba le boitemogelo bjoo. Lebaka leo tshepe yela e kgonnego go pealatša bomme bjola, bogale bjola, ke ka gobane o be a le mme. Tlhago ya gagwe o be a le mme. O Modimo, re dire Bakriste, tlhago ya rena Bakriste, Morena. E sego feela se sengwe go itiriša, go re, “Ke nna wa *ye goba yela*,” eupša re dire Bakriste ka pelong. Bjala Lentšu la Gago le lerato ka dipelong tša rena, Morena, gore re tla kgona go ba, le go emela lefase, pealatšo ya Bakriste le lerato la bomodimo, leo tshepe yela ya kgale e dirilego letšatši lela, la bomme. E fe, Tate. Ke rapelela yo mongwe le yo mongwe

yoo a phagamišitšego seatla sa bona. A nke boitemogelo bjola bo tle go bona.

²⁰⁷ Mohlomongwe go na le ba bangwe mo ba sa tsebego go feta go no tšoena kereke. Ga se ba ke ba tsoge ba bona e ka ba eng ya kgonthe. Eupša yo mogolwane go feta Salomo o fa, Jesu Yenamong, yo a swanago maabane, lehono, le go ya go ile. A nke batheeletši ba ba letilego, ka go bogeleng mothalo wa thapelo bošegong bjo, ba bone pealatšo ya lerato la Modimo le Therešo ya Modimo, gore Lentšu la Gagwe ke Therešo, gore ga se A hwa. O a phela go ya go ile. Gomme ka go bona se, a nke ba neele maphelo a bona ka go felela go Wena, gomme ba be bana ba Gago; le go ba le lerato ka dipelong tša bona, leo ebile le tla ba romelago lehung, ntle le poipo e ka ba efe.

²⁰⁸ Bjalo ka ge Dafida a rile, “Ya, le ge nka sepela go kgabola moedi wa meritii ya lehu, nka se boife bobe.” Go swana le tshepe yela ya mme e sepela go tšwa sethokgweng sela, thwi ntle ka go meriti ya lehu, thwi ntle ka senagareng. Gomme Dafida o rile, “Ke tla ya go kgabola moedi wa moriti wa lehu. Nka se boife bobe, Wena o na le nna.” Modimo, seo ke se bohole re nyakago go ba. E fe, Morena. Ke e kgopela Leineng la Jesu. Amene.

²⁰⁹ Morena a le šegofatše. Ke maswabi go le swarelela botelele kudu. Ke no lebega o ka re ke no se kgone go ema go bolela. Eupša re ya go rapelela balwetši bjale. Ke tla rata gore bohole ba tla ba mohuta wa go boloka madulo a lena, feela lebaka la metsotso e se mekae. Ke tshepišitše go bea mothalo wa thapelo go kgabola, bošegong bjo. Ke nyaka go dira seo. Gomme ke a tseba re swanetše go tswalela pejana nthathana ye go feta ye, eupša ke—ke a tseba re kgauswi le... Gomme—gomme mohlkomedi, ka kgonthe ke leboga botho bja gago, mohlomphegi, go se thuhlule go tima mabone. A nke Seetša sa Modimo se benye ka bophelong bja gago ge Se se fao bjale, se go tseele Letagong letšatši le lengwe.

²¹⁰ Bjale Billy o kae? Ke dikarata dife le di fago? A, go tloga go tee go fihla go lekgolo. Go lokile. Ba hwetša, thwi ge re sa itlhaganetše... Ka mehla re—re a di hlakanya. Gomme ge mošemanе a efa ntle dikarata tša thapelo, o a di hlakanya, thwi pele ga lena, le go no go fa karata ya thapelo bjalo ka ge o duma, le a bona. Kafao tšohle di hlakahlakantšwe. Ga re tsoge ra tseba moo re yago go bitša go tšwa gona. Ba bantsi mo ba bile ka dikopanong pele. Seo se bjalo gore mošemanе yola a ka se kgone go rekiša karata ya thapelo, gore re swere mothaka a dira gatee. Re ka se kgone go dira seo. Le bile ga a tsebe.

²¹¹ O re, “Gabotse, o mpha karata ye, a ke tla tsena ka mothalong?” Ga a tsebe. Lefelo la pele, tšohle di hlakahlakane, gomme o—no go fa karata. Gomme ka gona ga a tsebe, gomme ga ke tsebe go fihla re etla mo. Ka mehla ke bala ba bantsi kudu ka mothalong wo, le go e arola ka ba bantsi kudu ka mothalong

wo, le go hwetša karabo ka tsela ye nngwe, goba go no thoma felotsoko.

²¹² Eupša bošegong bjo re ya go tlogela yeo, le go no thoma go nomoro tee, gobane re thari. Gomme karata ya thapelo... A re emeng bjale feela yo motee ka nako, bjalo ka ge ke bitša nomoro ya gago. Ge o sa kgone go emeleta, yo mongwe o tla go thuša le go go tliša godimo fa.

²¹³ Bjale ke ba bakae ka fa ba se nago karata ya thapelo, gomme o a babja? E no rapela. A nke Modimo a go šegofatše. Seo se kaone.

²¹⁴ Bjale ke nyaka karata ya thapelo nomoro tee. Ke mang a nago le yona? Thwi fao. A o ka tla mo, mohumagadi, thwi mo? Nomoro pedi, ke mang a nago karata ya thapelo A, nomoro... A e be e le A? A, nomoro pedi. Pedi, ke mang a nago... Mohumagadi fa, a o ka tla thwi godimo fa, mohumagadi? Nomoro tharo. Etla thwi godimo fa. Nne. Etla thwi fa, mohlomphegi. Tlhano, ke mang a nago le karata ya thapelo tlhano, a o ka swara seatla sa gago? Mohumagadi. Tshela. Se se e šitiša go beng boka arena, le a tseba, moo... Ye ke kereke. Tshela, šupa. Go lokile, nomoro seswai. Go lokile, nno tsea maemo a gago, seswai. [Ga go selo go theipi—Mor.] Seswai, senyane, lesometee.

²¹⁵ Ga se ke bone lesometee bjale, e ka no ba yo mongwe sefoa. A o ka lebelela karata ya moagišani wa gago? Lesometee, o na le lesometee, a o a dira, mohumagadi? A o ka swarela seatla sa gago godimo? Oo, ke sefoa, ke a bona. O šetša karata ya gagwe fale ge a biditšwe, le a bona. Go lokile, lesometee. O e hweditše, lesometee. Lesomepedi. Karata ya thapelo lesomepedi, mohumagadi fa. Lesometharo, karata ya thapelo nomoro lesometharo. A lesometharo, karata ya thapelo lesometharo, lesometharo? [Ngwanešu o bolela le Ngwanešu Branham—Mor.] Go lokile, hlodišiša mohumagadi fale, le a bona. Mohumagadi ka kefa ye bolou, ke ya gago masometh... lesomepedi. Gomme o na le lesometharo, a o a dira, lesometharo? Ke maswabi. Lesomenne. Go lokile. Lesometlhano. Ke a dumela seo e tla ba bontši ka mo re ka kgonago go tsea thwi ka nako ye, go no bona re hwetša mothalo wo o pitlaganego.

²¹⁶ Bjale ka moka ga lena, ba le se nago karata ya thapelo, a go na le yo mongwe mo lekga la bona la mathomo? A re boneng seatla sa lena. Gabotse, re thabile go ba le lena bošegong bjo. A le bile ka dikopanong pele? Phagamišang diatla tša lena ge le ka be le bile ka kopanong. Go lokile.

²¹⁷ Bjale, mang le mang o a tseba gore ga re tleleime go ba bafodiši. Re—re ka se kgone go fodiša batho. Jesu o šetše a dirile seo. Eupša re tleleima gore O a swana maabane, lehono, le go ya go ile. Gomme ge feela re ka kgona go tseba le go Mo lemoga magareng ga rena, gore Jesu o mo! Ge A eme fa, gomme le ka Mmona ka mahlo a lena, a go tla le fa tumelo? Nnete. Eupša, le

a bona, A ka se dire seo. Ge A etla, nako e fedile nako yeo; O a re tlela nako yeo. Eupša Motho wa Moya wo Mokgethwa . . .

²¹⁸ Bjale yo mongwe a ka tla godimo fa ka mabadi a dipikiri diatleng tša bona, le meetlwa gohlegohle sefahlegong sa bona. Yoo e tla no ba moekiši. Yoo e tla ba moitiriši. Mang kapa mang a ka dira seo. Eupša le ka go seo, ge e se ya tšweletša Bophelo bja Kriste, go le bjalo e ka se be Kriste. Le a bona? Aowa, e swanetše go ba Bophelo bja Kriste bjale.

²¹⁹ Gomme Beibele e boletše, gore, “Ke Moprista yo Mogolo yo a kgonago go kgwathwa ke dikwi tša mefokolo ya renā.” Bjale lena batho ntle fao le se nago dikarata tša thapelo, bjale a re nong go tše selo se sengwe, gomme re re re bjale ge re sa rapela, o no re, “Oo, Moprista Mogolo yo mogolo, Jesu Kriste, Morena le Mopholoshi wa ka!” Ge go na le sebe se se itšego ka bophelong bja gago, ipolele sona, se ntšhetše ntle.

²²⁰ Gomme lena ka mothalong wa thapelo, dirang selo sa go swana, gobane e netefatšwe gabotse e tla biletšwa ntle thwi fa. Le a bona? Ge o le e ka ba eng ya phošo, gore ga o nyake go biletšwa ntle fa mo sefaleng, tepogela ka ntle ga mothalo. Gobane, ke ba bakae ba tsebago seo? Ee, mohlomphegi, e tla bitšwa thwi fa. Kafao e tlišeng ka tlase ga Madi, le a bona, kafao, gomme—gomme nno re, “Ntshwarele go dibe tša ka—tša ka gomme nthuše go Go dumela. Gomme ke a babja, Morena, gomme ke nyaka go fola bakeng sa letago la Gago.” Le a bona, Modimo ga a fodiše go no ba a fodiša. Le a bona? Aowa. O e dira bakeng sa Letago la Modimo. Gomme re swanetše go ipolela dibe tša renā le gosedumele ga renā.

²²¹ Gomme lebelelang tate yo a tlišitše go ngwana ka go hwa dihwahwa, yoo barutiwa ba sa kgonago go mo fodiša. Jesu o rile, “Nka kgonā, ge o dumela.”

²²² O rile, “Morena, ke a dumela! Thuša gosedumele ga ka.” Le a bona? O—o—goeeditše gobane o be a hloka.

²²³ Bjale lena fao, rapelang Modimo gomme le re, “Modimo, Ngwanešu Branham ga a ntsebe. Ga a ntsebe. Eupša ke a tseba O a dira, kafao a nke ke kgwathie kobo ya Gago. A nke ke kgwathie kobo ya Gago, gobane O Moprista yo Mogolo. Gomme ka gona O bolela ka Ngwanešu Branham le go bolela boka O dirile mosadi yo a kgwathilego seaparo sa Gago lefaseng. Gobane, ge O le Moprista yo Mogolo yoo a kgonago go kgwathwa ke maikutlo a mabofokodi a renā, ‘wa go swana maabane, lehono, le go ya go ile,’ O tla swanela go dira ka tsela ya go swana.”

²²⁴ Ke ba bakae le naganago ba dumetše, letšatšing lela ge mosadi yola a Mo kgwathile le go ya le go dula fase? A le nagana e hueditše batho fale? Le a bona, go—go molaleng e dirile. Gabotse, go tla ba. Gobaneng, renā Bantle ba letšatši le, re no leboga Jesu kudu. Re swanetše go leboga kudu. Le a bona?

²²⁵ Gomme mosadi yo monnyane yo o Mo kgwathile, o ile godimo le go dula fase. Jesu o rile, “Feela nakwana. Ke mang a Nkgwathilego? Ke mang a Nkgwathilego?”

²²⁶ Gobaneng, Petro o Mo kgadile, o rile, “Morena,” ka mantšu a mangwe, “e ka se be selo sa tlhaologanyo go Wena go bolela seo. Gobaneng, O naganwa gabotse magareng ga batho, bjalo ka Moprefeta. Gobaneng, O tla bolela bjang ‘ke mang a Nkgwathilego,’ gomme yo mongwe le yo mongwe o a Go kgwatha?”

²²⁷ O rile, “Ee, eupša, go sego bjalo, wo e be e le mohuta wa go fapanwa kgwatho. Le a bona? Le a bona, maatla a tšwile go Ka, maatla.”

²²⁸ Gomme O lebeletše tikologong go fihla A hweditše mosadi, o mmoditše o be a ne taba ya madi. Gomme o ikwetše ka mmeleng wa gagwe mong gore go be go eme, gobane O rile, “Tumelo ya gago e go phološitše.” Le a bona?

²²⁹ Bjale Yena ke Moprista yo Mogolo wa go swana. Gomme bjale ge le ka no Mo kgwatha!

²³⁰ Bjale, go nkgwatha go ka se dire nthathana ya botse. Ke no ba boka monnamogatša wa gago, ngwaneno, tatago, le a bona. Go kgwatha yo mongwe wa badiša, e tla dira feela selo sa go swana. Le a bona? Eupša go Mo kgwatha, Yena ke Yena. Ga ke go tsebe. Ga ke tsebe selo ka wena. Nka se kgone go go fodiša. Ge nka be ke be ke kgona, ka nnete ke be ke tla e dira; eupša nka se kgone. Nka se kgone go dira se A šetšego a se dirile.

²³¹ Bjale ge A ka be a eme fa, O be a tla no itira Yenamong go tsebjia gore O magareng ga lena. E no nagana ka yona. Bjale bohole re a tseba re lebile go se sengwe gonabjale. Re kgona go kwa seo.

²³² Bjale, go na le therešo le phošo. Go na le ditsela tše ntši tša go fapanwa di šupago, go re, “Gabotse, ye ke tsela, yeo.” Go swanetše go ba tsela ya maleba felotsoko.

²³³ Gomme go nagana gore yena Modimo, yo a yago go go ahlola Kahlolong, go tla thwi fase mo ka magareng ga lena le go ema le lena thwi mo! “Kae kapa kae mo ba babedi goba ba bararo ba kgobokanego Leineng la Ka, Ke gona fao. Le a bona, mediro yeo Nkilego ka e dira,” O tla e dira gape. O tshepišitše go e dira. “Le dihlatse tša Ka; Jerusalema, Judea, Toropokgolo ya New York, le a bona, lefase lohle.”

²³⁴ Gomme o no dula go homola ka kgonthe, gomme o a rapela. Dumela ka pelo ya gago yohle. O se belaele. E no dumela ka tšohle tše di lego ka go wena, dumela (soulo, mmele, le moyo) gomme Modimo o tla e fa go wena.

Bjale a re inamišeng dihlogo tša rena feela nakwana.

²³⁵ Mohlodi Mogolo wa magodimo le lefase, tšohle tše ke emego mo bošegong bjo le go di bolela, e ka se be ka lebaka ntle le ge O etla le go netefatša gore ke nnete. Re kwele bontši kudu, gomme

batho ba kwele bontši kudu. Bjale lentšu le tee go tšwa go Wena, Tate, le tla e dira gabotse. Gomme re lebeletše seo.

²³⁶ Bjale, re a tseba gore O bolela feela ka dipounama tša motho. O dirile batho sedirišwa sa Gago. Letšatši le lengwe O be o eme, O rile, o lebeletše go puno gomme o rile, "E budule," o rile, "rapelang Morena wa puno gore O tla romela bašomi ka punong ya Gagwe," gomme O be o le Morena wa puno. Eupša O kgokagane le lenaneo la Gago kudu, Wena le banna mmogo, ga le dire selo go arogana le seo.

²³⁷ Bjale ke a rapela, Modimo. Gomme feela ge O ka ntlotša, gomme wa se tlotše batheeletši ba, go dumela, go ka se dire botse bjo bo itšego. Re swanetše go ba mmogo bjalo ka ngata e tee, bjalo ka banabešu le dikgaetšedi. Ke a rapela, Modimo, gore O tla re tlotša mmogo, gore re ke re bone gape, ka lehlakoreng le la Bokagosafelego, Morena Jesu wa letago, yo mogolwane go feta Salomo a lego mo. Re e kgopela Leineng la Gagwe. Amene.

²³⁸ Bjale ke nyaka feela se go ba tlhomphokgolo ka mo le kgonago bjale. [Rapiano o thoma go bapala *Dumela Feela*—Mor.]

²³⁹ Letšatši le lengwe, ge nka hwa, ge ba mpea ka lebitleng, ba tla be ba raloka yeo, le a tseba. Ge le ekwa gore ke ile, le se dumele gore ke hwile. Ga ka dira. Eupša e no ema felotsoko, ge o e kwa mo seyale moyeng goba felotsoko, o e bala mo pampiring, nno opelang pina yela (a le ka se ke?) gomme nno elelwang yeo ke yona, feela "dumela feela."

²⁴⁰ Bjale, ka go batheeletši, ga go motho yo motee ka go mothalo wola yo ke mo tsebago. Ge yo mongwe le yo mongwe wa lena ka mothalong wola le le basetsebane go nna, gomme le a tseba gore ga ke tsebe selo ka lena, ga ke tsebe selo sa phošo ke eng ka lena. E no phagamišetša diatla tša gago godimo, o a e bolela. Bjale mohlomongwe o a babja; mohlomongwe ga ba dire. Ga ke tsebe. E ka no ba mathata a ditšhelete, mathata a selapa. Ga—ga ke tsebe.

²⁴¹ Eupša bjale ge mohumagadi yo monnyane fa a ka no tla kgauswi, le a bona. Ke a go leboga, seo se lokile. Bjale mosadi šo yo moswa kudu go mpheta. Ka kgonagalo re belegwe mengwaga go arogana, dimaele go arogana. Kopano ya rená ya mathomo. Bjale o mo ka lebaka le le itšego. Ga—ga ke tsebe. O, mohlomongwe bolwetši. Ga—ga ke tsebe gore bothata bja gagwe ke eng. E ka ba eng bothata bja gagwe e lego, Modimo o a tseba. Gomme ge A e utolla, gona o tla tseba ge eba ke therešo goba aowa.

²⁴² Bjale ge mohumagadi yo monnyane a ka re, "Ngwanešu Branham, ke babja gampe. Ke—ke...mogodu wa ka o a ntshwewya. Ke—ke na le go utlautlega, goba—goba selo se sengwe gape." O lebega bjalo ka motho wa go phelega, eupša o ka se kgone ka mehla go ya ka seo.

²⁴³ Gomme ge a ka bolela seo, ke tla re, “Gabotse, Beibele e rile, ‘Beang diatla go balwetši.’” Yeo e be e tla ba tsela ye Ngwanešu Roberts a bego a tla mo rapelela, Ngwanešu Allen, goba ba banna ba bantši. Bjoo ke bodiredi bja bona. Ka gona ba be ba tla bea diatla godimo ga bona, ba re, “Sathane, mo tlemolle, Leineng la Jesu. Ke a go kgalema, Sathane,” goba se sengwe boka seo. Ba re, “Eya pele bjale, o fodile.” O swanetše go dumela seo. Le a bona, seo se tla loka.

²⁴⁴ Gabotse, bjale, go ka reng ge a na le sebe tsoko se se utilwego fale felotsoko? O ka tšollella kalone ya oli godimo ga gagwe, wa mo tlotša makga a mantši, wa tabogela godimo le fase, le go goelela; diabolo yola o tla robala thwi fale. Sebe se se sa ipolelwago. O ka se tsoge wa mo šuthiša. Aowa, mohlomphegi.

²⁴⁵ Eupša bjale ge Moya wo Mokgethwa o ka kgonas go tla fase le go mmotša se sengwe se se bego se le gona, o tseba ge eba yeo ke nnate goba aowa, gomme morago a mmotša se se tla bago. Ge se “se bilego” se lokile, se “se tla bago” se tla loka. A yeo ga se nnate? Bjale bjoo ke botho bja Morena wa rena wa go ratega, go leka go tliša Monyalwa wa Gagwe mmogo ka matšatšing a a mafelelo, le a bona, se A tshepišitšego go se dira. Ke ba bakae ba ka dumelago go Yena ka pelo ya lena yohle, ge A ka dira selo se sebjalo? [Phuthego e re, “Amene.”—Mor.] Modimo a le šegofatše bakeng sa potego ya lena. Bjale ye ke—ke . . .

²⁴⁶ Ge le nyaka go bala . . . ke a le kgopela, ge le ntshwere ka ntle ga Lengwalo, mpotšeng bjalo. Le a bona? Nngwalele lengwalo goba botša yo mongwe wa badiša, gomme o mpotše moo ke fošitšego. Ga—ga ke nyake go ba phošo. Ke nyaka go loka, gomme go swanetše go ba Lentšu le.

²⁴⁷ Bjale a re nong go tšeа feela gannyane boka se, a re tšeeng Mokgethwa Johane 4 tlwa gape. Fa go monna le mosadi ba kopana lekga la bona la mathomo, boka Morena wa rena le mosadi wa Samaria. Ba kopane nako ya bona ya mathomo, gomme Jesu o boletše le yena lebakana le lennyane go fihla A hweditše mo bothata bja gagwe bo bego bo le gona. Bothata bja gagwe e be e le maitshwarohlephi. Gomme A mmotša gore bothata bja gagwe e be e le eng, gomme ka pela a lemoga gore seo . . . O be a swanetše go ba moprofeta. O rile, “Mohlomphegi, ke a bona gore O Moprofeta.” O rile, “Re a tseba Mesia o etla. Ge A etla, seo ke se A yago go se dira.”

Jesu o rile, “Ke nna Yena.” Le a bona?

²⁴⁸ Bjale, ge yeo e le tsela ye A itsebagaditšego Yenamong go batho maabane; Yena, ge A swana lehono, O tla swanela go itsebagatša Yenamong ka tsela ya go swana. Bjale, ge Moya wo Mokgethwa o ka bolela seo go yena, gona o tla tseba e swanetše go tšwa go mokgwa tsoko wa semoya. E ka se kgone go tšwa tlhagong. E ba le mokgwa wo mongwe wa semoya. Bjale a ka no bolela go swana le Baifarasei, “Ke Beletsebubu,” ka gona go tšwa

go yena. O re, "Ke Kriste," gona seo se tšwa go yena le Kriste gape, le a bona, e ka ba eng e lego.

²⁴⁹ Bjale ebang tlhomphokgolo ka kgonthé. Ke letile nakwana, bakeng sa Tlotšo yela. Seo ke se ke se dikadikelago, le a bona. Gobane, ebile E ka no se tle le gatee. Ge E sa dire, gona re tla inamiša dihlogo tša rena le go phatlalatša batheeletši, le go tla morago gosasa bošego le go Mo kgopela ge eba O tla . . . Ga se nke A mpalediša. Bjale, pele ga makgolo a dikete, ka nako, ga se A ke a palelwa bjale. Gomme Yena a ka se ke a ba ka nako ye. Ke a tseba A ka se ke. Ke a tseba A ka se ke. Le a bona, ke no tseba A ka se ke.

²⁵⁰ Kafao, le a bona, ke na le yona ka monaganong wa ka gore e fetile nako ya go tswalela. O ka se kgone go ba . . . o ka se kgone go gakantšwa, gomme Moya wo Mokgethwa o šoma ka wena; o swanetše go dula fase. Bjale ge go na le koketšo ya ditefelo ye e itšego ya tlaleletšo bošegong bjo, ke tla e lefela, le a bona. Yeo ke yona. Sathane, o ka se kgone go re fora ka mokgwa woo.

²⁵¹ Ke tsea taolo le go laela godimo ga moya wo mongwe le wo mongwe ka fa, ka Leina la Jesu Kriste. Bjale feela . . .

Ke tla bolela le mohumagadi yo monnyane. Bjale ge Moya wo Mokgethwa, kgaetšedi, feela . . .

²⁵² Jesu o boletše le mohumagadi yo feela nakwana go swara moya wa gagwe, le a bona, go bona se se bego se fošagetše. Ke a dumela seo ke se A se dirilego. Tate o Mo rometše godimo kua, gomme o bile le nyakego ya go feta Samaria. Eupša ge A fihla godimo kua, seo ke sohle A bego a se tseba, O be a le godimo kua. Mo go tla mosadi, O tsebile yeo e swanetše go ba nako.

²⁵³ Bjale Tate o nthometše godimo fa. Ke nna yo, ka New York; gomme ke wena yo, motho wa mathomo sefaleng bošegong bjo. Ga ke tsebe, eupša O tla e utolla go nna. Ge A ka rata, a e tla go dira o Mo dumele ka pelo ya gago yohle? O tla amogela? O tla tseba ge eba ke therešo goba aowa, o a bona. E sego go go tseba, le go ba mosetsebje go wena; eupša bothata bja gago, se o . . . O na le mathata a mmalwa. Eupša bothata bjo bogolo bja gago bjo o bo nyakelago thapelo, bo ka mogolong wa gago. O na le bothata bja mogolo. A yeo ke nnete? Phagamiša seatla sa gago. A o a e dumela? Feela nakwana. Bjale, seo se tla loka.

²⁵⁴ O re, "O ka no ba o thankile seo, Ngwanešu Branham." Aowa, ga se nke. Ka mehla ke swara seo go tšwa batheeletšing, "O thankile seo."

²⁵⁵ Bjale feela nakwana, a re boleleng le yena a nnoši. O a lemoga gore go ne se sengwe se diregago, le a bona.

²⁵⁶ Bjale go batheeletši. Ke ba bakae ba bonego seswantšho sela sa Morongwa wa Morena, Seetša sela? Se lekeletše ka Washington, DC. Le a bona, Seo se lekeletše thwi kgauswi le yena bjale. Le a bona? A ga le kgone go bona Seo? Go lebega o ka re . . .

Nnete, Tlotšo e fa bjale. Ke kgona go E bona, le a bona. E thwi godimo ga gagwe.

²⁵⁷ Ee, še Yona. O swanetše, ee, bothata bja gagwe bo mogolong wa gagwe. O be a tshwenyegile. Gomme, gabotse, o na le se—se sešo ka mogolong wa gagwe. Yeo ke nnete tlwa. E sego seo feela, eupša o na le bothata bja megolo bjo bo go tshwenyago. A yeo ke mnete? Le a bona? Go lokile. A o a dumela bjale gore yoo ke Jesu Kriste a emego fa yoo a go tsebago le tšohle ka ga yona? A o Mo amogela bjalo ka mofodiši wa gago? [Kgaetšedi o re, “Ke a dira.”—Mor.] Sepela gomme o fole, Leineng la Morena.

Mothalo, le a bona, go no bona. O tseba dilo tšohle.

²⁵⁸ O dira bjang, mohumagadi yo moswa? Bjale o no ba o tšhogile nthathana gannyane, o a bona, gobane feela ka pela ge se etla godimo, mohumagadi o tla godimo. Seetša sela se tla thwi godimo ga gagwe. Le a bona? Gomme o a lemoga. Bjale lebelelang. Ga ke tsebe mosadi. Ga—ga ke tsebe selo ka yena. Eupša o eme fale, feela lekgarebe. Gomme bjale ge Moya wo Mokgethwa o ka nkutollela se tlhogeloa ya gago e lego sona tšwa go Modimo! O Mokriste, o a bona. Gomme kafao ge—ge o be o se, bjale, O be a tla mpotša seo, o a bona. Eupša o Mokriste, ke ra Mokriste wa kgontha. Gomme ge A ka dira, ge A ka nkutollela se ditlhogeloa tša gago di lego tšona tšwa go Yena, a o ka ntumela go ba moprofeta wa Gagwe, goba mohlanka? Ke swanetše go bolela seo, le a bona, nako e tla tla, le a bona. O tla dumela? [Kgaetšedi o re, “Amene.”—Mor.] O a tseba gore ke mosetsebje go wena.

²⁵⁹ Bjale, ka kgontha ga o fa bakeng sa wenamong. Ke bona momo mosadi, mosadi yo mogolo, nnete, ke mmago. [Kgaetšedi o re, “Ee!”—Mor.] Uh-huh. Gomme ga a gona fa. Gomme o . . . O be o nyamile kudu ka yena. O tshwenyegile, le yena, ka kankere. Gomme o makala ka maemo a gagwe. A o a dumela, mohumagadi yo moswa, gore woo ke Moya wo Mokgethwa o dirago seo? [“Amene.”] Bjale tšeа sakatuku seo go tšwa sekhwameng sa gago gomme o ye gae. Ge o bona go mmago, goba se romele go yena, gomme—gomme bea goba romela sakatuku go yena segopotšong sa thapelo ye bošegong bjo. Gomme se belaele ka pelong ya gago. Eupša dumela gore Jesu . . . [Kgaetšedi o bolela le Ngwanešu Branham.] Ee, gomme leswiswi le tla mo tlogela, gomme o tla ba . . . O tla ba gabotse. Sepela bjale, gomme Morena a go šegofatše. Modimo a go šegofatše, kgaetšedi wa ka.

²⁶⁰ A o tla dumela ka pelo ya gago yohle? Bjale, se no belaela. E no ba le tumelo.

²⁶¹ Bjale feela nakwana, ntshwareleng feela nakwana. Se sengwe se diregile. Go bile le yo mongwe gape a bonagetšego fa. Feel a be e le mang mohumagadi yo a sa tšwago go rapelelwa mo, o kae mo? Oo, ee, yeo e be e le nnete. Nakwana feela. Aowa.

Motsotswana feela, Moya wo Mokgethwa . . . Go na le yo mongwe gape a tlago. Le a bona, Ke Seetša, gomme se dumeletše . . .

²⁶² Ee, ke mohumagadi yo wa lekhalaate a dutšego thwi fa. Ee, o be o dutše fale o rapelela phodišo. Bjale, o mosetsebje go nna. Ga ke go tsebe. Eupša a o a dumela gore Jesu Kriste o a swana maabane, lehono, le go ya go ile? A o dumela kgatelelo yela ya godimo ya madi e ya go go tlogela, gomme o ya go fola? Seo ke se o bego o rapela ka sona. O a bona? E dumele. O kgwathile eng? A ka se kgone go nkgwatha, o kgole kudu go tloga go nna. O kgwathile Moprista yo Mogolo yo a kgonago go kgwathwa ke dikwi tša mefokolo ya rena.

²⁶³ E no dumela. Bjale, o a bona, ga wa swanela go ba godimo mo. Eba fao. E no dumela, seo ke sohle ke go kgopelago go se dira. E no dumela.

²⁶⁴ Mohumagadi šo o dutše thwi morago mo, o lebeletše go dikologa ka tsela ye, o a rapela. Ga a ithapelele yenamong. O rapediša moratwa. Gobane gore se . . . Yo mongwe o sa tšo tloga fa, yoo a bego a rapediša moratwa, mohumagadi bakeng sa mmagwe. Eupša mohumagadi yo o rapediša tatagwe. Gomme tatagwe, ke bona lewatle la go tokologa, ga—ga—ga a . . . O tšwa mošwamawatle goba se sengwe, Norway, Monorwegian. Yeo ke nnete tlwa. Dumela go Morena Jesu, mohumagadi yo moswa, gomme tatago o tla fodišwa.

Bjale o kgwathile eng? Mmotšišeng ge eba o a ntseba.

²⁶⁵ A ke seo o bego o rapela ka sona? Šišinya diatla tša gago ge seo e le therešo. Seo ke therešo. Re basetsebane. A yeo ke nnete? Yeo ke nnete. Go lokile. O na le kgopelo ya gago ge feela o ka e dumela.

²⁶⁶ O kgwathile eng, dijarata tše masomepedi go tloga go nna? O kgwathile Moprista yo Mogolo, le a bona, e sego nna. Ga ke mo tsebe. Eupša o kgwathile Moprista yo Mogolo, Morena Jesu wa go ratega Yo a nago le rena bošegong bjo.

O mosetsebje. A yo ke molwetši, a yo ke motho?

²⁶⁷ Le a bona, ke no swanela go latela Seo ka tsela ye Se ntlhahlago, le a bona. Boka mosadi yola, le a bona, O mo kuketše ntle. Le a bona, o—o kgwathile Modimo, ka Yena. Gabotse, bona batho ntle fale, seo ke se ba se dirago, ba kgwatha Modimo. Le a bona, e no . . . Ke swanetše go retologa ka tsela ye Se šomago.

²⁶⁸ Bjale, re basetsebane seng sa rena. Ga ke go tsebe. Ga se nke ka ke ka go bona bophelong bja ka. Re basetsebane. Kafao batho ba tla bona re basetsebane, ga re tsebane seng. Bjale ge Morena Jesu bjale a ka nkutollela selo se sengwe seo o tsebago gore ga ke tsebe selo ka sona, gona seo se tla swanela go tla ka Maatla a kagodimogatlhago. Le a bona, phodišo Kgethwa, ge o nyaka phodišo . . . Ga ke tsebe seo ke se o se nyakago, o a bona. Dinako tše dingwe ke bakeng sa yo mongwe gape, le bothata bja selapa,

tša ditšelete, le dilo. Eupša A ka fa tšohle. Ge A tseba se o se hlokago, A ka kgona go se utolla go nna, o a bona. Gomme ka gona ge A dira, gona o a tseba ke Yena. O a bona, o a tseba e swanetše go ba Yena.

²⁶⁹ A seo se tla dira lena bohole go dumela? [Phuthego e re, “Amene.”—Mor.] Go lokile, dumelang.

²⁷⁰ Bjale, o bonala go ba motho yo mokaone. Le a bona? Bjale a re nong go bolela nakwana.

²⁷¹ Bjale Se tlogile, Se ile go batheeletši. Yo mongwe . . . E no ba le tlhomphokgolo, le a bona. Ke kgogedi yela ye kgolo ya tumelo. E no e tše gabotse . . . O a e kwa, bokwala! Ke rerile e ka ba iri le seripa, gomme pono e tee e ntira ke fokole kudu go feta ke rera diiri tše lesome. Maatla, *bokwala* ke “maatla.”

²⁷² Le a bona, le dira seo. Ga se nna. Ga se nna. Dipono tše ga se nna. Ke lena le e dirago. Ke tumelo ya lena ka go Modimo, ye e e dirago. Ga se nna. Ga se nna. Ke—ke nno dula fa bjalo ka kemedi. Go swana le se mo, se ke—se ke semuma, sepikara se, ntle le ge go le segalontšu se se phelago se bolela ka go sona; se ka se kgone go bolela, sonamong. Le bile nka se kgone go bolela. Ke Yena, Yena yo a phelago, Kriste, Yena yo a phelago, O a bolela gomme O tseba gore o mang le se o se dirilego.

²⁷³ A re tleng morago go bolela le mohumagadi gape. Ge Morena Jesu a ka nkutollela se sengwe ka bophelong bja gago, seo o . . . mohlomongwe se o Mo nyakelago. Gobane, go beng modumedi, o—o Mo kgopela se sengwe. Gomme ge A ka se utolla go nna, a o a dumela gore o tla se amogela? [Kgaetsedi o re, “Ee.”—Mor.] O tla se dumela? Bjale, bothata bja gago bo ka mogodung. Tlhahlobo e laeditše gore mogodu wa gago o wele. Yeo ke nnete. A yeo ke nnete? [“Ee.”] Gomme selo se sengwe sese ka go tlhahlobo, ba hwetša o ne sešo ka mogodung wa gago. A yeo ke nnete? [“Ee.”] A o a dumela? [“Ee.”] A o a dumela Modimo a ka mpotša o mang? [“Ee.”] Mdi. Willard, o ya pele gae bjale gomme o dumele.

²⁷⁴ Wena, a o dumela ka pelo ya gago yohle? Bjale botšišang mohumagadi. Ga se ra ke ra tsoge ra bonana seng ka bophelong. Eupša, ke Moya wo Mokgethwa, O mo. Bjale ebang le tlhomphokgolo ka kgonthe. Mpotseng ge le na le nako ya go lekanelo bjale, le a bona, moo . . . ? . . .

²⁷⁵ Bjale, go bjang, mohlomphegi? Bjale re basetsebane seng sa rena. Gomme o a lemoga gore letšatši le lengwe re swanetše go kopana le Modimo. Gomme ka go ba mosetsebje go nna, le nna go wena, ge Morena Jesu a ka nkutollela mathata a gago, a o tla dumela gore ke Yena? Gomme o a tseba gore nna, motho, ke be nka se tsebe seo. Eupša go be go tla Mo tše go e dira. A yeo ke nnete?

²⁷⁶ Ke hloya go bolela se. Mošemane o apešitšwe ke moriti, le a bona, go na le leswiswi godimo ga gagwe. Gomme ke—ke selo sa go hlobaetša kudu se fošagetše. O ne kankere. Yeo ke nnete.

Gomme x-ray e laeditše le go utolla gore kankere e ka mogodung, gomme gape e godimo ga leboto la mogodu. E godimo . . . A yeo ke nnete? Fao ke mo ke bonago seswantšho, x-ray. E godimo ga leboto la mogodu. Bjale seo se ra gore o swanetše go sepela ka pela; ge go se bjalo, Modimo a go thuše. A o tla e amogela, ngwanešu wa ka? Jesu . . . Kankere ga se selo go Jesu Kriste, go no swana le hlogo ya go opa. A o a e dumela? Bjale se sengwe se nno direga ka go wena. O bile le maikutlo a mabotse ka kgonthe, o a bona. Bjale ge o ka tšwelapele o dumela ka mokgwa woo! Moriti o go tlogetše. O a bona? Tumelo ya gago e go phološitše. Sepela, o dumela bjale, a nke Modimo a go dire o fole.

²⁷⁷ Modimo a ka kgona go fodiša atheraithisi. A ga o dumele seo? [Molwetši o re, “Amene.”—Mor.] Gabotse, nno thoma go sepela, o re, “Ke a Go leboga, Morena Jesu.”

²⁷⁸ “Ge o ka kgona go dumela! Dilo tšohle di a kgonega go bona bao—bao ba dumelago.” Go lokile.

²⁷⁹ Ke mohuta wa go go dira o ikwele go se tlwaelege ge ke rile “atheraithisi.” Seo ke se o nago naso, le wena, ga o kgone go tsoga le gatee, mosong, e a go thatafatša. Go fedile bjale, ge o ka e dumela. Eya morago, eya o e dumele. Morena a go šegofatše. E no e dumela.

²⁸⁰ Seemo sa asma fale, le a bona. A o a dumela Modimo a ka fodiša seo? [Molwetši o re, “Amene.”—Mor.] Amogela Yena, sepela gomme Jesu Kriste o go dira o fole, gomme dumela ka pelo ya gago yohle.

²⁸¹ O nyaka go ya go ja selalelo sa gago, go ipshina ka sona; bothata bja mogodu bo fedile, gomme eya o fole? Sepela, e dumele. Ge o ka kgona go dumela!

²⁸² Modimo a ka kgona go fodiša bothata bja mokokotlo, e ka ba eng gape. A ga o dumele seo? A o a dumela O tla fodiša wa gago? Eya pele ka tsela ya gago, o thakgetše, o re, “Ke a Go leboga, Morena.”

²⁸³ A o ntumela go ba moprofeta wa Gagwe, goba mohlanka wa Gagwe? A o a dumela Modimo a ka kgona go fodiša bothata bja pelo? Gona sepela, e dumele.

²⁸⁴ O na le bothata bja sehumagadi, bakeng sa selo se tee, le atheraithise. A yeo ke nnete? A o a dumela Yena ke mofodiši Mokgethwa? Mo amogele bjalo ka Mofodiši wa gago. Eya o hlalala, o re, “Ke a Go leboga, Morena.”

²⁸⁵ O na le bothata bja bohumagadi bjo bo go tshwentšego nako ye telele. Gape o na le bothata bja pelo. E no ba kgauswi le go go bolaya. O na le—o na le go pompa, pelo ya go pompa ka go nokologa. Dumela ka pelo ya gago yohle, gomme e ka se tsoge ya go tshwenya gape. Sepela, gomme o e dumele.

²⁸⁶ Seemo sa madi. A o a dumela gore Modimo a ka kgona go dira madi ao, a tliša seemo seo sa go hloka madi morago, le go a

dira a loke? A o dumela seo? Go lokile, sepela o dumela, bolwetši bjoo bja swikiri bo ka se sa go tshwenya gape. O dumela ka pelo ya gago yohle.

²⁸⁷ A o a dumela gore O go fodišitše o dutšego fale? E dumele ka pelo ya gago yohle? Dumela ke Modimo, o go dira o fole ka go felelela, ka go felela? Modimo a go šegofatše. Eya pele tseleng ya gago gomme o hlalale. Amene.

²⁸⁸ Bothata bjola bja mokokotlo bo ka se tsoge bja go tshwenya gape, bo tla go dira o ikwele gabotse ka kgonthé, a bo ka se ke? Go lokile, eya o hlalala, o re, “Ke a Go leboga, Morena Jesu,” gomme dumela ka pelo ya gago yohle.

²⁸⁹ Madi, ka mading a gago, a rotha bosese; bolwetši bja swikiri. A o a dumela gore Modimo a ka kcona go fodiša bolwetši bja swikiri? A re yeng Khalibari bakeng sa tlhabelo ya madi. O tla e tloša go wena.

²⁹⁰ O na le bothata bja sefega. A ga o? Ke be ke eya go go bitša, metsotso e se mekae ya go feta. Feela metsotso e se mekae ya go feta o be o ntebeletše, gomme ke retologile le go go lebelela, gomme o tantše leihlo la ka le go lebelela fase; maikutlo a go se tlwaelege ka kgonthé a tla godimo ga gago, bothata bja sefega bo go tlogetše. Bo ile. E be e le seemo sa mogalatšhika seo se thibetšego sefega sa gago. O a dumela.

²⁹¹ O nagana eng ntle kua, ka atheraithisi yela, o dutšego mafelelong a setulo, a o a dumela? Emelela, Jesu Kriste o go dira o fole.

²⁹² Ke a go hlohla go dumela Modimo, Jesu Kriste wa go swana maabane, lehono, le go ya go ile! A le a e dumela? Go lokile. Ge le dumela ka pelo ya lena yohle, beang diatla tša lena go lena seng. A ka se šitwe. Ke Modimo, Morena Jesu wa go ratega, maatla a Gagwe a tsogo, boitsebišo bja Gagwe. Yo mongwe le yo mongwe beanang diatla seng sa lena.

²⁹³ Tate wa Legodimong, lenaba le motšhabong. Lenaba le fentšwe. Jesu Kriste o a phela le go rena. O Modimo, eba le kgaogelo gomme o fe phodiso ya batho ba.

²⁹⁴ Sathane, o lahlegetšwe ke ntwa! Jesu Kriste o—o thopile phenyo ka go otithoriamo ye bošegong bjo. O senotšwe. O no ba mofori; gomme re bitša seatla sa gago, ka leratong la Khalibari. Etšwa go batho ba, Leineng la Jesu Kriste, gomme ba tlogele gomme o ba lokolle!



LESWAO LA NAKO YE NST63-1113
(The Sign Of This Time)

Molaetša wo ka Ngwanešu William Marrion Branham, setlogong o abilwe ka Seisimane ka Laboraro mantšiboa, Nofemere 13, 1963, ka Marc Ballroom ka New York, New York, U.S.A., o tšerwe go tšwa go theipi ya go gatišwa ya makenete gomme o ngwadilwe ntle le go fokotšwa ka Seisimane. Ye ya North Sotho phetolelo e ngwadilwe gomme ya phatlalatšwa ke Voice Of God Recordings.

NORTH SOTHO

©2024 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriſte. Puku ye e ka se kgone go rekišwa, go tſweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditſhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org